

天啓滇志

滇志卷之二十九

藝文志第十二之十二

五言絕句

玉局寺

楊慎

仙是青城客山留玉局名
渾如故鄉地偏動故鄉情

聚衆寺

李元期

白波西海明香霧南崖溼欵欵
鷓鴣王花雨花臺上拾

前題

董難

塔影冒百波松聲喧五鬣石門竟不開
秋露泣迦葉

宿勸川驛

彭綱

風走落葉聲山大吠不已披衣夜出戶
明月照溪水

海瀛寺

王紹宗

泛棹撫山湖扶筇海瀛寺烟景似金山鐘聲到江次

大漁村

和漢

十月昆明道霜花點點繁那堪殘日照立馬大漁村

翠屏公館

前人

曉月山程邁寒天驛騎催停鞍何處好候館翠屏開

蒲陀峒

李霖

萬壑裂雲根洪流渡海門龍歸岩穴瞑獨有暮烟橫

昆明泛月

胡桐

孤艇泛輕波啣杯對月歌碧天無際處疑是到銀河

寒筆留雲

前人

蘭寺弄春暉攜壺生翠微
洞前松萬樹難放白雲歸

湖中遇雨

嚴清

太華雲凝蓋中流雨打船
漁翁伏蓑臥安穩下長湍

五言六句

翠岩晚霽

楊慎

金碧染峯端嵐沉暮靄寬
超虛穿翡翠刻竹生琅玕
海氣如圓塞分明入畫難

碧關朝霞

前人

荒雞啼未歇關樹起栖鴉
碧海先迎日青風遠上霞
標人慙晚去高臥是誰家

艾塘去帆

前人

挂席樵風便須臾半海心
漁洲彎似月津樹小如簪
隱隱猶能認斜陽半幅金

水雲歸棹

前人

船隨魚浪去人起虎墟歸水葉情縈揖雲珠冷戲衣
家家松火待香霧滿柴扉

淨耳山帶

前人

秋針病裏畦上脉望朝隣忽見雲雙帶懸知雨一犁
田家無用子占候在簷西

羅藏水橋

前人

屈此如赤持海童呼水精對面雲生蹊回首雨打窓
溪翁古信熟生長在魚邦

八村漁火

前人

村村曠色凝稍稍暮寒增葉竈蒸藜蓬窓結網燈
委裘金不定稚子夜搬罾

九寺僧鐘

前人

金碧招提接先鳴何寺鐘夕烟連戍鼓曉月起村春
誰道空門靜聲塵未息踪

南巒松雪

前人

南巒松雪冰積素翠濤連詩憶顏光祿書深趙集賢
興言千載後獨酌寄陶然

東林桂月

前人

叢桂水山幽風清月復秋冷然仙馭下婉若影娥留
遙夕東林夢應過白兔樓

梨園春遊

前人

名園綠水傍遊女出淇陽竹葉沾春酒梨花洗脫粧

醉來迷眼處疑是白雲鄉

蓮池秋泛

前人

新粧搖畫舫倒影駭天吳
翠蓋波心出紅雲水面鋪
欲知臨泛久荷露漸珠

六言詩

送本學往金齒

郭文

兩袖清風明月孤筇楚水吳雲千里哀牢又去家聲
何處傳聞

的的西來祖意悠悠南去風光老矣鄉情灰冷隨緣
到處扶桑

山居自放

蘇湛恩

為厭城閨冗繁村居且樂丘園移分種種花品點數
竿竿竹篠敲句閒銷日月春舟老等乾坤興來痛飲
三斗醉臥田家酒盆

又

前人

淪隱病忘山癖幽棲笑傲烟霞蜩蛻露寒鳴咽蒼華
日澹橫斜西風殘揭門巷夕陽流水人家歸遺白衣
誰子臥聽層城暮笳

七言絕句

石城山

隋史萬歲

石城門峻誰開關更鼓畏聞風落石衆天自崩勝全
湯鎮壓西南天半壁

哀蜀人為南蠻俘虜

唐雍陶

但見城池還漢將豈知佳麗蜀蠻兵錦江南渡遙聞
哭盡是離家別國聲

大渡河邊蠻亦愁漢人將渡盡回頭此中刺寄思鄉
淚南去應無水北流

欲去鄉關行路遲此生無復却回時千冤萬恨何人
見惟存空山鳥獸知

越嵩城南無漢地傷心從此便為蠻寇聲一慟悲風
起雲暗青天與下此

雲南路出洱河西毒草長青瘴色低但漸攀躋漸披

豁一時淚聽聽猿啼一本作漸近蠻城猿啼

天威還

高駢

豺狼坑盡却朝天戰馬休嘶瘴嶺遠歸路險巖今垣
第一條千里真如孩

南詔赤藤杖

裴夷直

大詔南藤色似朱柱行碣砢勝人扶食須將入深山
去倚着雲泉作老夫

送人赴黔中

崔德輿

一罇歲酒且留懽三峽黔江去路難志士感恩無盡
近寒時應戴惠文冠

遊果置渡

元濤遠居其

山路陰陰木葉涼山村八月指初黃野花零落斜陽
炎隔澗人家焚蕙香

點倉山

高雅昌

水繞青山山繞城繇來人傑地應靈水光萬頃闔天
鏡山色四時環翠屏

溟海曲

梁王閣道水中央烏鵲雙星世帶五潢跨海虹橋三十
里廣寒殿夜飄香

碧雞金馬古梁州銅柱鐵橋天際頭試問平滇功第

一逢人惟說潁川侯

一本
誰說

化城樓閣壯人寰澤國封疆漠兩關雲氣開成銀色

界天三斷出點蒼山

葉榆尾浸環三島益部雄都控百蠻神禹遺河雙洱

水武侯征路七星關

以金海貝出西荒桃竹擅華貢上方香象渡河來佛

子白狼槃木犀夷王

碣房草閣瞰夷庑側島懸崖控絕陁鷄足已窮章亥

步驚頭空入梵王經

昆明池水三百里洱花海藻十州連便吞象撻曾不

到空勞我帝御樓船

煮海醃醃即暝漉沙避風估客夜乘槎雪浮粳稻壓春
酒霞爵擯拂呼早茶

碧雞山

支森

凌霄傍海碧崔嵬中有神雞數往來一自王褒旋軫
後至今烟雨不曾開

嵩山樵笛

前人

蒼苔路滑塵長松不見當年避世翁樵子暮歸橫短
笛數聲吹徹夕陽紅

五華山

張含

五華臺上望昆明淨練薇茫似掌平故國欲歸歸未

得海風山雨一齊生

仙子逍遙白玉樓
醉騎黃鶴過丹丘
紫霞縹緲凌風去
不教周王八駿遊

遊五華寺

姚肇

五華山高幾千尺
快閣凌空近奎壁
朱闌倒映巖壑間
露浥嵐光翠堪挹

華亭寺

張純

行過松溪與世分
華亭樓閣映青雲
何當海濶天高處
長倚禪林作隱君

夜宿太華

張佳胤

石床橫架萬峯西
海上雙珠入戶低
自是山中無玉女

石門

前人

層崖迢遞水潺潺嵐翠淋漓杳靄間客子不知八萬里
舉帷疑作建溪山

圓通寺

李元陽

鉄壁嵒然擁紺宮曲崖石磴穿玲穿玲龍何年脫下蒼龍
骨至今鱗甲生秋風

袞袞寺

石簡

美尔偏傳雙樹心西來大地盡黃金諦觀總識真如
面磬罷誰能空座音

蒼山

楊士雲

大山特出衆山中峻極扶風太乙同雲氣結連看不

見陰寒五月起秋風

饗雲

前人

驃騎豐碑醫綠苔陸涼州外半崔嵬文章剝落無繇
辨只有鄉山是白崖

崔鴻

前人

紛紛十六國春秋偽史當年分自修只恐虛浮亂實
錄彥鸞南北費蒐求

張虔陀

前人

紀出歐公傳宋公虔陀死事異還同不書太守書都
督又見張雲著錄中

常臯

前

域武誰知是武侯後生終恐愧前修胡僧漫說三生
夢伊呂何人敢匹儔

南詔驃國獻樂

前人

五舞蹁躑應五歌試看取象意如何雍羌十二清商
曲五譯鏗鏘奏太和

儂智高

前人

農家種與雜家收收得東南十二州留下特磨遺種
在立牌山上有高樓

大理國

前人

大理傳如南詔傳來人未辨唐人辨春利大義在剛
常萬古日星容易見

最祠鬼怪古未傳
惜號于今六百年
掩卷幾番成大
息漫留窮語在殘編

畢鉢羅樹

前人

畢鉢羅高高幾何惡
王翦伐已無多于今
不見金剛座雲落燈
花窠塔迦

鳳羽山

楊慎

烏吊山頭鳥道微
梧葉墮黃青復稀
九苞文彩誰能
見千古畫圖知是非

金齒道中十首

楊佳胤

叱馭何如鳥道難
無名花向野林看
雪山飛瀑雲齊
落多火征人五月寒

漏朝霞還有碧雞啼

萬點春生枕上生何來黃鸝四天鳴蓮登十丈垂虹
氣疑有金山跨海行

焚香高臥太華烟鷗唳松壽夜不眠欲向此中尋住
著海心月在白雲天

鍾聲一枕濕青雲松閣高懸樹杪分夜取大瓢收沆
瀣峯頭持贈太華君

圓照寺

沐昂

東風吹柳拂烏紗一入祇園景最佳惟愛日長山寺
靜小窓開遍杜鵑花

歸化寺

張泰

竟日馳驅疊嶂間逢僧聊假片時間憑虛一望天如洗積翠纔葱山水山

湧泉寺

鄧原岳

一逕青山十里遙白雲谷口坐相邀不須阿殿驚村女拄杖前頭只酒瓢

山隙流泉激雪飛石巖嵐翠濕人衣幡幢不動柴門閉日暮老僧何處歸

石邊水出忽幾雲飛瀑潺湲曲曲分試向蘭亭問陳跡風流還說又將軍

新釀真成竹葉青一尊相對共沉冥芒鞋踏遍雲山路笑倚山頭木末亭

古驛樓高雷雨鳴青山無恙夏雲生秋末江水八千里落日風傳布穀聲

萬峰深處打牛坪父老猶能說孔明一自渡瀘鳴士鼓南中何地不桑耕

橫嶺雲盤石礪多芙蓉隨杖轉差栽泉聲百道凌天出散仙西南九渡河

諸夷村落萬峯中駐牧分明漢俗同聞道近來租調苦安邊誰念昔時功

勝儼江深江草齊江花開處鷓鴣啼博南矯首青堪摘霞氣猶懸萬嶺西

江濤吹轉大瀄東日月雙扶駕海虹千仞銀錨驚不

渡飛梁虛掛赤霄中

寒濤齊響萬松枝立馬空山拾紫芝何處夷歌聽不
斷迎神或是竹王祠

高臺曾是漢時營千載天威尚有名日暮九隆何處
望夏雲飛滿不常城

千山忽盡見哀牢野濶天空俯佩刀風雨驟隨遊客
到雷聲吹散大江濤

問俗亭

楊仲瓊

紫竹叢中秋有聲耳西月抱水晶城晚烟淡泊半江
碧人在山堂理玉笙

題僧畔富通湖處

前人

滔滔洪水一方愁卓錫穿通入海流
在昔若無僧畔富至今那得秀山幽

乾陽洞

余秉清

高巔一脉自融融為問何人穿洞中
一自丹成歸去後蕭蕭蘿月與松風

龍馬蹄石

前人

神駒從此騁馳驅印出分明掣電啼
一勒嘶風雲外去淡烟芳草落花溪

盤江河

杜朝紳

兩山盤錯陰雲黑一水中流岸樹青
谷口風鳴催蕩槳擢歌夷語雜烟村

哀牢

楊士雲

樹頭并露殿前芝更兼神雀集京師哀牢貢獻先諸
種西域爭來質子時

望西海

冰璘

蛇首樓船十丈長船頭號鼓樂笙簧篙師百櫓齊搖
去阿瓦城邊水似湯

復過杉木麓

漆文昌

斷崖巉石水流溪曾與將軍指路迷今日重躋思刻
削陰風暗雨暮雲低

諸葛營

曹遇

孟獲生擒雍閭平永平南下一屯營隸人也解前朝

事立向斜陽說孔明

黃中

打牛坪

春曉驅牛獨抱犁
綠叢烟雨鵲鳩啼
分明一片隆中地
移向滇南作稼畦

沿途詠懷

朱應登

飛鳳巔前春半休
打牛坪下暝生愁
山頭險路通諸葛
竹裡狂獠唱益州

金騰山勢鬱宮堯
澶漫滇西達

聖朝優道迴崗纏
紫霧柴關小閣下清霄

巖棲夷獠自成家
殘火陰陰綠樹花
一枕江聲清不寐
不知自己在天涯

花橋秉月

江必東

慘慘月照花橋河蕭蕭馬踏叮嚀坡林風吹衣寒氣
多奈此歲晏官忙何

過回燈山

俞繪

石燈迢迢過此關一重烟霧一重山昔時迴燈人何
在今日題詩客又還

清風亭

王諱

愛爾激江千頃波清挽濁定如何水心亭 謝塵翳
外莫似西湖涵綺羅

金牛石

吳紹周

一團怪石老江邊頭角如牛不記年恨殺牧童鞭不

楚悠悠短笛艷陽天

拱面山

馬 卿

連山石白關嶺岼壘壘臺盡裡看積雪萬年渾不
掃遊人五月苦生寒

青蛉河

青蛉河水出三窠流向青蛉縣外過一派朝宗心萬
里金沙江共水槽沒

阿廬洞亭

賀 勛

雲散芙蓉露玉巔四時花木自爭鮮烟霞古洞蒼苔
合仙境分明不浪傳

前題

朱維祖

黑霧空濛白石尖曾聞仙子洞中潛
公餘有客同清
寶坐冬能消六月炎

南端

楊士雲

碣石城西飛角端分明天遣大軍遷
西印度非東印
度鉄門閑臺石門閑

開化寺

石簡

詰曲如環一征斜傍岩林護三兩家
騷人墨客閑來
往落雪松梢謾煮茶

安寧雲峯謫仙書院會升菴

黃棋

萬卷搗成綠水前玉堂人倚白雲邊
草玄落筆三千
太風雨龍蛇勢九天

海內知君已日年舊山重樹兩依然詩成酒盡還為別雲樹江天起暮烟

題扇寄滇南諸人

平 題

林泉有約共投閑歸伴先生放白鷗昨夜夢魂清化鶴戛然鳴到碧雞山

鉄爐關外西山莊秋色荷花蒲水塘結藕較之風味淺此心絲緒一般長

寄滇中友人

前 人

夢入滇池蒼白波密檀花發暖風多畫船總載江南客齊唱吳腔半夜歌

春水花明玉葉山寶釐螺翠小煙鬟臨臯羽客空長

擗不載清風鶴夢還

西郊即事

張佳胤

爭覩元戎事北征
滇中男女亦傾城
逆酋又渡金沙水
萬馬鶻翔海上行

龍旂閃閃落霞紅
鵠印累累大斗同
漫向軍容誇士將
從來軒鶴可臨戎

將軍世業舊登壇
秋色蟬文擁大冠
幕下紛紛齊擢甲
不知誰似漢林官

中央玄纛指清秋
夾道黃花照紫驄
豹略虎頭俱莫問
渠渠萬里坐封侯

忠祠

胡廷祿

金碧祠宮多樹林雙忠臺柏獨森森
碑讀罷衣裳濕脈脈文山姐豆心

春日草堂卽事

前人

草堂今日是花朝酒不鄰沽客不邀門
竹井梧皆鳳所好因良夜一吹簫

朝陽以後夕陽前紫電青霞品杜鵑
走馬碧雞何處客風流却被海棠顛

徙倚庭柯迥不塵况多紅紫遞鮮新
誰家剪彩務花樣得似天機色色真

昆明南市省城隅一榻軒然臥太初
漫道地隨心遠通豈應雲水礙鳬魚

題西平園

朱運昌

援威遐厲肅邊防餘孽無知尚侮強烈烈征師連節
紂先聲一振走蠻王

前題

郭棐

萬馬皇皇慶碧雞羣兒鼓掌唱銅鞮爲言西土需日
雨早放寬旌渡憐溪

隴川曲

時多薄內親官軍凱還
曰作是詩康美周中丞

鄧美

幕府承恩假更宜霜青十月應師期銜枚早過蘭津
險深入蠻灣敵不知

雲霓岸頭布墨寬遙瞻勝氣在旌竿逢逢鼙鼓連山
震烽輝犀渠磧雪寒

貔貅七萃擁威嚴一鼓元兇勢可殲
鯢鯢盡許開湯網玉石空悲付火炎

崖谷翼聲勢欲排軍中驟聽角音諧
積尸未肯誇京觀函首還須列豪街

戟色蒼黃日欲曛風雷千里響紛礮
天街忽都旄頭隕待奏南中五色雲

髑髏初洗血模餽共喜奸渠蚤伏誅
却笑竇林尸漢法還嗤阿克獻夷俘

花蠻繡面望風降大將高懸白虎幢
夷氛早見清芒市漢月還應照木邦

天際依然控八關碑陰第一紀平蠻
洗兵合挽金沙

水積甲高於丙弄山

歌桃舞柘桑時清繡戶瑤牕映日明
合燕初聞破陣曲新詞題作龍川平

馬龍州老柏

陳文燧

幾年節榦抱冰霜天意栽培遠方嶠
岫不着紅塵染萬彙菲菲歌衆芳

了語

朱泰禎

朝陽送客美微詞上蔡東門有所思
降北李君辭屬國緱山子晉學吹簫

不了語

前人

太傅東山捉鼻時白家丹竈冷青芝
買田陽羨空歸

思止酒柴桑會說詩

苦雨

前人

蕉風如怒雨如癡半洗閒階半入池
鷗鷺同明澹相照無多客鬢也生絲

春思

嚴清

南浦風來浪作花西園桃放樹飛霞
乘春何限翩翩侶半入漁家半酒家

盤龍江水綠參差楊柳青青峽岸垂
多少遊人泛江上笙歌不住畫船移

秋思

前人

碧雞金馬兩相望赤坂青垣道路長
無限鵲鷄原上

意可堪秋色滿黔陽

一自風塵點客衣
隔年閑却釣魚磯
浮人不及乘巢燕
休譙雙雙傍社歸

浙濕驚鷗何處生
千樹萬樹皆秋聲
無人不解悲搖落
可是當年宋玉情

葭菼蒼蒼望欲迷
昆池水色與天齊
山公不向池邊醉
白鳥從教選樹棲

寄段虛舟

前人

獨立秦庭恥願違
函關北走馬如飛
當時白壁依然在
朱訝相如赤手歸

龍泉寺

吳懋

溪上青山帶紫烟山中梅蕊早春天仙家春窺今朝
熟未聽冷冷瀉玉泉

板橋漫興

陳文燧

南北驅馳十六年盡圖何處是凌烟世間物色多生
熊銅柱猶支半壁天

天生橋

劉涇

洱海西流勢莫回天生橋外更奇哉驚灘碧水晴翻
雪觸石洪濤盡起雷

杜鵑花

前人

軟紅輕紫袂懸脂爛熳春風奇絕姿蜀魄當年多少
恨至今啼血染花枝

遊太華一碧萬頃

錢世賢

松閣半空未電雨
水閣一鏡自朝昏
數聲鍾罷僧歸定
莎徑無人月浸門

修竹長松遶四簷
風中泛泛打魚船
一樓景色看難盡
畫水接青山山接天

賀周中丞敬松平隴

童正蒙

蠻烟起處咽悲笳
十月天南雪不花
漢相遙揮白羽扇
乘風一夜度金沙

路江西去息鯨波
尊姐談兵得算多
自是邊氓勸耒耜
洗兵直欲挽銀河

還觀亭

顧起綸

曾向螺峯短結亭與君暇日幾登臨別來岩洞無消息半刺題詩問主僧

鳴鳩拂其羽

李元陽

連日晴嵐萬井同拙鳩曝羽巧梳風有時飛過雋陽陌人在東窗烟雨中

戴勝降於桑

前人

烟鎖桑田接綠蕪往來戴勝自相呼時人指點江山麗我愛慈風七月圖

贈孝義賈惟孝

楊慎

蘭叟和光臥白雲賈生東晦挹清芬他年誰續嵇康傳題作林陽兩隱君

前題

徐中行

遙聞高士臥青冥
落日軒車爲爾停
曾是楊旌開下
客白頭仍守太玄經

楊雲奇字虎頭書前輩風流總不如
檄外復從遺老
見斐然雙壁照行車

溪渙樂

孟昌

可愛溪頭樂隱渙
臨溪樂趣幾人知
扁舟採得蘼蕪
菜更汲青波煮活魚

宿龍泉觀

錢紹謙

石樓斗掛半峯西
檻外星辰入戶低
夜靜經聲未枕

上夢回彷彿是曹溪

孤峯突兀勢千尋
流水澄潭不盡深
飛錫何年來此地
靜聞還似老龍吟

水水亭迴文絕句四首

蘇港思

升旭紅窓幽睡穩
漱霞紫館楚遊閑
水壺玉簫涼風好
酒谷金盃春日殷

楊岸拖烟青縷縷
竹亭含露碧泠泠
狂懷酒盞吞華月
逸興詩囊滿彩星

泉寒漱玉吟鶯暖
日曉歡春語燕嬌
眠柳對魚看景適
坐花歌韻瀉情高

幽亭小檻花粧錦
悄院清塘魚靜波
遊興豪從幾斛

酒放懷狂發一聲歌

海畔村居

辛紹勣

潦倒山中百不知
開渠種竹傍疎籬
扶筇極目滄溟外
却怪傳語鶴去遲

參差茅屋倚危岑
門掩寒雲一迳深
知己獨憐天上月
清光嬾自對瑶琴

題呂仙閣

道人占斷螺峯景
傑閣憑虛絕壁間
夜誦蕊珠清境寂
恍聞鐵笛洞庭來

滇志卷之三十

羈縻志第十

土司官氏

施羈縻於夷狄非絳首穿鼻之術蓋授之爵賞被
之章服俾自爲治而用夏之變與焉全滇諸夷其
麗不億而提其綱領則有自土知府而下數等列
冠帶者數十人或維符而與銅墨雁行或捍圍而
與游徼旅進或浸齒不與期會或經年不釋介冑
遂使深山荒服崩獸角以奉版章棘矢桃弧賈盡
怒而敵王愾無選擇更置之勞有奔走禦侮之効
此亦羈縻之善物也其或負三苗之同姓夜郎之

大毀戾病于指脛懸死扼于喉吻雖潰癰必決而
存亡係之則抵掌疆場未有先於土司者矣舊志
志草崖畧未備今據故府之篇政于修攘牘考諸
書詳其世系沿革如左

雲南府

昆明縣赤水鵬巡檢司土官阿喇馬丹洪武中從劉
侍即使車里後從征陣亡錄其子馬速魯麻為巡檢
沿革至馬時申襲

清水江巡檢司土官李保求樂中以通事譯夷語宣
諭八百諸酋授巡檢洪熙中有李賢者入貢襲以
勅諭進將仕佐郎沿革至李國柱襲其地控昆富二邑

之文武吏累犯省城恒經之李氏所轄地方有幾浪
九村

羅次縣土官楊大用寧州人洪武中歸附潁川侯瑄
其功表為景東府知事累官右叅議其後有楊正者
自請錄用初為鄧川之上江巡檢後調楚雄之沙橋
尋授羅次土知縣世其官米魯安銓那鑑之亂咸徵
其部兵至五百而止今沿至土舍楊耀德

煉象關巡檢司土官李者本縣昆石鄉夷人初仕元
為防送千戶洪武中率衆從征歿于陣錄其子李阿
白為土巡檢弘治中銓注煉象官兵討武定鳳氏反
他役李氏咸以兵從多或至二百人沿至今土舍李

世膺

安寧州土官董通洪武中率衆從傅穎國為鄉導供
資糧後元遺孽作亂通保境拒之及錄其子董節奉
訓大夫安寧州土知州設流以來政歸有司每徵調
則清鄉氓充行伍焉今沿至應襲董九成

祿豐縣南平關巡檢司土官李英洪武中以甲首宣
諭收招各酋授巡檢阿克之變有李郎者死於陣今
沿至李惟賢襲

宜良縣湯池巡檢司土官馬奴以通事屢偕諸使臣
入三宣後又遵諸夷

貢方物正統中以其子馬棋為巡檢從諸夷酋之請

也鳳繼祖之亂發其兵三百人近以蕎甸不靖復徵其衆戍昆陽分治至馬義徵襲

大理府

鄧川州土官阿這羊塘里民洪武十五年蠻賊高生與故元右丞普顏萬之亂惟這執忠不屈為西平侯所旗後以擒高生等功授土知州世襲所部皆蠻屬強者依山弱半附郭嘉靖中阿國楨以兵一千奉調征安鳳後又以兵壹千從督撫鄒侍郎蕩赤石崖論功

欽賚如例萬曆中阿榮以八百衆護胸征岳罕達龐川土域又以六百衆搜捕尋甸賊李賢輩其後矣堵

蠻莫五井諸役咸在行間稱用命焉

青索鼻巡檢司土官楊浪波泐邑里人為元蒙化州判官大兵克大理歸附招叛民累功土巡檢所部兵不滿百每節川出兵則楊氏以所部從今治至楊胤龍冠帶巡捕

浪穹縣土官王藥師初以芻粟餉大軍授節川州吏目後以征普顏薦功改浪穹典史世襲官兵討鐵殯箐及~~法~~魯武尋咸以兵從阿氏備一隊今治至王夢祖冠帶管事天啟壬戌雷益亂亦調其衆犒以銀牌蒲陀崆巡檢司土官楊順浪穹縣坊長里民洪武中指揮周能典大理衛事以順充通事招撫蒙化白崖

博穎川表為土巡檢其後屢從阿氏建功今治至楊鳳階冠帶署事

鳳羽鄉巡檢司土官戶賊鄧川州王泉鄉人元末為木邦府判天兵克大理歸命和門西平撒授土巡檢安鳳之亂從阿氏攻李鎮飛李牙保等寨今治至戶世忠聽襲

上江嘴巡檢司土官楊信劉川州人初為村長以蜀猓曉大軍後累功於三營佛光寧北之間授世襲土巡檢常從阿氏討叛今治至土舍楊廷舉

下江嘴巡檢司土官何海浪穹山後里人倡義率土民歸順授土巡檢世有其職今治何養正冠帶聽襲

把事張心浪寧北鄉人。方天兵入境時，招其鄉民歸附，餽糧無乏，錫之冠裳，以把事矜其衆。後安鳳翥、句鐵等諸役咸効驅除，稱勇敢焉。近征隴川，耿馬調集或至三百人，洽至張軫聽襲。

定西嶺巡檢司土官李清字趙州，彌里民。元為彌只防戶。洪武中歸附，授土巡檢。洽至，李齊月襲其部夷掌土而耕，約信不棄。從未聞征戰之役。

德勝關驛土官王義，太和縣人。國初附，大將單招集高奴李珠等五百衆，授驛丞。今洽至，王紹恩襲。

洱西驛土官張鑑，元時為提舉，率衆來歸，屬于指揮。周能獲故元左丞伯都督等，又築冰城，累勞授驛丞。

沿至張從德死無嗣

雲南縣土官楊奴又城焚夷元時興邑以縣降授土
縣丞初僉土兵一千五百名其後麓川蠻莫木邦尋
武滅効行間多至六百名而止近阿克楊禮致其部
所向克捷大畧皆捷旆累戰無卻伍其長技以勁弩
毒矢而迄東諸夷所憚居平與洱海衛軍櫟耕相安
沿至楊如楨以鄉賢崇祀今其子楊淇襲

張興阜民鄉亦有莊焚民元為品甸十戶所土官太
軍至楚雄興首効順為指揮脫例伯鄉導至品甸招
諭甸民歸附者累千以甲馬獻後又攻石寨有功授
土主簿世襲與楊氏分土而居順大之後徵其兵五

百名。節舉之。改三百名。今沿至張綱聽襲。

英雄巡檢司土官楊汝日。元右丞不花顏之裔。洪武中。選為百夫長。造金沙渡舟及築城運監。累勞勳。充冠帶把事卒。子木嗣。木卒。子僧壽嗣。僧壽有武勇。從征麓川。佛光。蒲窩。鎮康。累功。給勘合管辦巡檢司事。尋具奏。實授土巡檢。後東川武定鐵索諸戍。或戮力行陣。或護餉。餽軍。今沿至楊階聽襲。

徐甸巡檢司土官李義。本甸熟民。

國初招故元左丞李安。右丞賽因帖木兒。不花。大玉。搠思監。俱聽命。論功授土官巡檢。今沿至李尚松聽襲。

安南按巡檢司土官李納麟。趙州人。洪武中招白崖頭目高添惠等戶口五百皆歸附。授土巡檢。今沿至李相聽龍。

雲南驛土官袁奴。雲南縣站人。楚人。洪武中招故元同知自羌萬。自白及本處夷民三百戶歸附。授以僉糧。累勞授土驛丞。至征麓川。徵其兵二百。是後本縣土官楊氏奉令討叛。袁氏皆以所部從。

賓川州賓居巡檢司土官董保。太和縣城北廂里民。元時順寧司經歷。以象馬來降。授大理經歷。沿至董祿。降土巡檢。後董繼以兵二百從征鳳朝文。今沿至董連襲。

金沙江巡檢司土官得力王石。昆明人。從大兵攻烏撒。金齒累功。授曲靖阿幢橋巡檢。給錄調金沙江。後累効戰功于瓦尋赤石崖。然其衆不滿百。今谷至得富襲。

雲龍州土官段保。洪武中以州來歸。授永知州。谷至段綬卒于嘉龍。襲其妻緄。虐失夷心。族舍進忠計誘漕洞夷殺嘉龍而篡之。庚申秋。道麻誘禽進忠。械繫省城。論死。以其地為流官治。給嘉龍子綵冠帶。餘衆其衆所部夷羅二種。夷弱羅強。其三崇山。後又有野蠻。器戾好殺。

箭桿場巡檢司土官字忠。元時為土官。以衆來歸。授

土巡檢與世襲後字廷宣屢從鄧川阿國禎討安銓
鳳朝文舊甸諸賊天啟初以巡司改屬雲龍州誠字
顓道襲

師井巡檢司土官楊勝鄧川州玉泉鄉人洪武中率
衆來歸以糧濟師授土巡檢後楊時從征安鳳効力
今沿至楊勳襲天啟初改屬雲龍

順遠井巡檢司土官李良元時管軍百戶倡衆歸義
從鶴慶知府董賜入

朝除土巡檢後以罪失其官尋復之舊甸安銓鳳朝
文諸變咸以功著萬曆初從征岳鳳亦與力焉今治
至李純武襲萬曆四十五年改隸雲龍

上五井巡檢司土官楊惠。劍川州江東鄉民。歸誠從
戎。討鄧川楊奴及佛光寨之叛。授浪穹縣主簿。後楊
信以麓川功得也。襲土巡檢。又有楊世勲者。從征那
鑑死焉。今沿至楊世恩襲。萬曆四十五年改隸雲龍。
十二閑巡檢司土官李智。鄧川州玉泉鄉民。洪武中
歸義。授土巡檢。後亦効力于尋甸。裔旬間。今沿至李
應朝。聰襲。四十五年改隸雲龍。

十二閑長官司土官李羅賽。且隸真定府趙州人。在
元為防送千戶。洪武初以招附。品甸大王及頭目自
些鳳之黨。禽沙四者。烏輩獻馘。李國出兵三百。搗赤
石崖。戕剽諸寨。招收阿曲朋夷民百六十餘家。其後

加兵蒙化大候吳塔兼故罕度等皆奉調遣然其兵
多不過三百鳳克叛亦以三百衆衛姚安今治至李
祚昌襲

臨安府

卑州土官昇甥元土官普提之後洪武初歸附授土
知州沿至普奉以專橫伏法遂設流官治州事賦訟
盡屬有司而徵調則土官以部夷行嘉靖間改祿姓
有祿世仁者為同知祿紹先為知州傳至祿華誥討
羅平有功晉秩至運同華誥卒子厚襲後卒子溥襲
溥卒弟洪襲石屏有祿嘉懋阿速有祿嘉瑞蒙自有
祿有道皆其族分出捕禦盜賊修撰考稱其士馬精

強遵紀律倘忠勇不替可憐全滇緩急云

嶧縣土官普淨

即志作
禄伯

國初歸附授縣丞尋以功陞世襲知縣弘治間專任
流官而以土官巡捕治至今禄崇功襲所居去縣治
五里許轄部擺擺窩泥二種幅員可五里里徵調之
衆不滿千人

王添祚正統間以車里功陞主簿傳至俊錙錡欽皆
有其官今治至王烈聽襲

阿迷州土官普柱洪武中為土知州後設流錄其裔
覺為東山巡檢司土巡檢治至普維藩與寧州禄氏
搆兵師熾焉維藩死子名聲幼兵道畜名聲域中今

郡諸生教之既長呂諸寨夷共立之以延普次名聲
收集其衆勇於攻戰天啟元年十一月奉調剿逆至
今所至輒以衝陷聞

部舊村巡檢司白氏世為土巡檢沿至白麟應襲
納接本甸長官司土官普少羅羅人洪武初歸附授
副長官傳普定喜柱宗明微星安銓安正普昂祿今
沿至普延益襲司治在從仁鄉他負白村所轄有焚
夷羅羅三種部內鑛場曰中場曰鵝黃曰摩柯封閉
已久而亡命遁其中竊取之

溪處甸長官司土官束克和泥人洪武中歸附授副
長官其後見于長記者有赤渴前高粵成覺定覺明

覺棋魁鳳恩海祿寬恩貴本無姓亦不知冠帶自知
庸陳最換以趙姓今俗至趙恩洪厄於趙恩禧聽龍
其司天有指官賤姓蓋其始不可考今多至賤覺系
聰襲治在松州寨村舊有部酋名賀璫訛為和泥本
一部後蠻酋官桂兄弟分為三部溪處其一也部夷
雙夷高泥二種

教化三部長官司土官葛平相泥人洪武中授副長
官傳至張澤未襲土舍張德勝用事子張明聰襲司
治在隴村大教化衆山連絡一山中峙土官公署與
居民皆在其巔推官江魚行部至之其詩爾屬水羣
崖之句部夷曰馬喇曰汝人曰羅曰僕人曰野蒲白

喇記

惠陀甸長官司土官進北和泥種洪武中授副長官
遮虧傳虧習虧習傳習宗習宗傳宗白宗白傳白樣
今沿至土舍李泰華司治在瓦吳陀寨村却夷皆窩
泥種

虧容甸長官司土官阿普洪武中授副長官其後裔
阿魯甘宗今沿至孫承祖襲司治虧弓村地濕熱多
瘴癘勝國安置罪人之处却夷唯光顯百夷一種同
知李壁虧容江詩虧容江上是天涯斷髮丈身幾許
家四月山風扇炎燠檳榔樹盡開花

左龍寨長官司土官獵豆沿至龍勝安苑子龍上登

襲龍溪素以桀驁不聽道府踰東海有文移輒稱都司入寨長官司屢屢忤諭其治極崇府寨高山連亘崖谷之險倍於他司部夷惟窩泥一種

至弄山長官司土官阿額洪武中授副長官其後有阿不傳至烏珀烏志得烏騰鳳克今其子稱烏高舉其地層巒幽阻魯部河自禮社江流至司境入于海此蓋夷夏要衝云所部懷人羅羅姆雞撲喇沙人阿成凡四種

落恐甸長官司土官他有和泥人洪武中授副長官其後有少瑾廷秀沿至陳國誥為溪處錢覺率所殺撒元江那氏為之處今其子有陳汝忠司治在落恐

寨節夷惟窩泥一種

諸甸皆藏匿山林羣聚謀慮喜人怨獸一言不合則機弩引弓相向死則以財物償之非德化所能懷柔各長官俱本土羅羅和泥人原無姓名各從族彙成語定名或隨世遞承其父名之末字更接一字相呼弘治初知府陳晟以百家姓首二句司分一姓加于各名之上唯納樓未受其地任即西南遠者不下二百里近者百里沐西平入安南蓋取道於此今蓮花灘之外即交夷而臨安無南面之虞者諸甸為之蔽也惟是流官憚瘴久不履其地諸酋不襲而自冠帶且始相犄角而漸相傾危

遂集弄干戈數十年來廣南沙儂以征戍竊據其
地富泥弱而無謀為所并吞官共討之不得志各
畏司寄食如棲豈耳

安南長官司正德中廢今王弄山沙伏誠于沙源萬
曆三十八年以都兵斬賊當寨若委以王弄副長官
事四十二年擒交南偽勝智侯生獲阮文美等因以
安南司地畀之令阻截交路天啟二年奉調征剿給
印掌管

納更山巡檢司土官龍官和泥人成化間授土巡檢
其後有龍覺龍或龍準沿至龍統死子龍升聰襲治
車人寨樓杜江自虧容東流至此出寧遠州俗呼河

成其撒果山下有龍墩渡七寶山下有蠻板渡哈刺
山下有蠻汪渡所謂紉更三渡也

新化州摩沙勒巡檢司土官土檢書 傳至普榮苑
無嗣

新平縣南洞巡檢司土官易 傳至易體乾被殺子
易儒以他事斃獄叔易體宣聽襲

求昌府

潞江安撫司土官安撫線氏今沿至聽襲土舍線世
祿副長官戶氏今沿至聽襲土舍戶紹充千夫長戶
氏今沿至戶詳把事額氏線氏今沿至額思敬線禮
鳳溪長官司土官正長官恭氏把事張氏今沿至恭

或龍張世祿聽襲

施甸長官司土官正長官恭氏今浴至恭崇德聽襲
其地乎衍饒天可爲郡邑節民驍悍不畏死遇戰聞
則裸號以從鄰夷避之不敢犯其境

甸頭巡檢司土巡檢恭氏浴至恭甕聽襲

水眼巡檢司土巡檢恭氏浴至恭雲蛟聽襲

騰越州龍州江驛土驛丞王氏百夫長力氏浴至王
來聘刀承爵聽襲

保山縣有十五喧二十八寨諸夷有大雙蒲人峨昌
其酋長或以百夫長稱或以千夫長稱或以實授百
戶稱皆奉命令服徭役第性勇悍不能驟格又爲市

僧所誘漸習奸偽耳今其見於尺籍者敢頂喧罕氏
早納喧線氏石冊寨施甸東山寨下騰場寨金齒東
山寨甸頭寨保場寨烏邑寨七莽氏皆副千夫長也
古里喧早氏盪習喧孟氏蠻雲喧早氏西牙喧線氏
波艮邑寨木瓜即寨阿思即寨南窩寨周冊寨信邑
寨瓦窰寨七莽氏北樹寨羅明寨羅古寨羅板寨四
早氏潞江寨左氏皆百夫長也蠻岡喧掃氏錦邑寨
老桃寨交邑寨牛牯寨山邑寨五莽寨皆實授百戶
也蒲縹寨莽氏大頭也其見於郡志以喧稱者有曰
蠻寬曰空廣曰蠻場曰喇倫曰蠻養上曰蠻養下以
寨稱者有曰枯柯曰明邑曰莽山曰乾海子今或以

他事失其官耳

永平縣上官馬氏世為土縣丞今治至馬一馴襲父
有楊氏未著其官治至土舍楊喧其部夷索純謹每
徵調其衆可五百人罕岳順大諸役皆在焉近大理
討賊進忠亦調及之

永平驛上官李氏世為驛丞今治至李國臣聰襲
持牛坪巡檢司上官蒙氏世為巡檢今治至蒙英聰
襲

石甸字禦千戶所蔣氏土官二一為正千戶治至蔣
浪一為副千戶治至蔣從智

楚雄府

鎮南州土官段氏領州同知浴至段欽 陳氏領州
判官浴至陳國試

鎮南關巡檢司土官楊氏領巡檢浴至楊恩

英武關巡檢司土官張氏領巡檢浴至張九思

阿雄關巡檢司土官者氏領巡檢浴至者安仁

沙橋驛土官楊氏領縣丞浴至楊紹先 楊氏領巡

檢浴至楊應雷 冠帶通事冠氏浴至冠列恂

通把李氏張氏浴至李惟棟張思顯 把事何氏李

氏楊氏浴至何仲文李含揚東

廣通縣土官段氏領主簿浴至段一機

回澄關巡檢司土官楊氏領巡檢浴至楊光寵

沙矣舊巡檢司土官蘇氏頤巡檢洽至蘇什得

矣速縣土官李氏頤主簿洽至李大把事王氏洽

至主輔

黑塩井土官樊氏楊氏李氏樊頤巡檢洽至樊可亨

楊德隆李緒

定邊縣土官阿氏頤縣丞洽至阿天民把事邵氏

洽至邵崇仁

諸族自

國初歸附授職居州縣幅員之中事權在有司居平

衣食租稅卒有疆場之事則發魚書令帥其部曲

以從戎然皆編氓也或曰羅婺或曰和泥或曰燉

或曰獵州可出兵四百人縣可二百人

曲靖府

霑益州土官安舉宗在元為曲靖宣慰使其後有祿

哲大兵平南哲妻賓卜與夫弟阿奇歸附卜授烏撒

府知府奇授霑益州土知州

志草作
阿索

傳至安九鼎世

絕妻安素儀興州事因以烏撒安紹慶繼實祿哲七

世孫祿墨次子烏撒酋安雲龍弟此霑益絕而烏撒

繼也其後雲龍為烏人安國正所殺復以紹慶次子

効良為烏撒土知府此烏撒絕而霑益繼也紹慶死

長子効忠先卒汾孫安遠襲効良弟効賢娶于水西

曰設科水蘭之變與効良合其法墮落竜瓦反木洞

諸營長以叛遠不能制尋死遠弟遠初贊亦佐簡婦
隆氏今以繼遠而諸營陰陽于水鳥間為漢寇邊寄
空名而已土官營冊生石龍山險阻四塞介蜀黔之
境所部四十八營以勇健稱其衆三倍烏撒云

陸涼州土官阿納

國初內附樹功授知州維州符焉延及資曹以功陞
府同知萬曆中夷婦昂氏傳其姪資世守以罪戍邊
姪資國効應襲世居州治中部曲在強弱之間遠遜
霑益

舊越州土官龍海洪武中歸附以其地為越州以海
知州事二十八年分其地屬霑益陸涼亦佐海之子

阿資尋以罪伏誅永樂三年之資子祿寧詣

闕奉貢有詔授寧土縣丞以官護之令鎮巡安插及
置之亦佐與沙氏分土而居後有海潮者以功加土
州判稱舊越州治至海縣圖死妻資氏署事今土舍
海現祥應襲幅員南北還百二十里東西倍之士馬
強悍征調或至三千人武尋等亂咸調之

亦佐縣上官沙普元為縣酋長洪武初歸附世領縣
事後以罪降縣丞萬曆中沙騰蛟以臣繼伯死于運
恭襲運恭死妻隆氏襲居舊縣東土馬柔弱自需烏
喪亂以來益不能自振拔矣

安插土官恭項初為麓川宣慰司人天兵四十萬討

思任項以萬兵為卿導每戰先登俘思任思機妻孥
八十衆十三斬首萬餘獲發私積餉軍三月費不貲
麓川既定靖遠伯請改宣慰司為隴川宣撫司即以
項為宣撫尚方與冠服金帶并鑄印累之後與其子
乃木乃不相能搆兵焚司治項奔省城鎮巡慢發天
兵討之木立懼自殺

朝廷以民不興恭氏而不欲泯其前功仍以宣撫使
安置曲靖令世其官至今食宣撫租不替迨至恭華
國亂

楊光初為騰衝守禦千戶所更目思任屠騰衝獲老
去二年餘自麓川脫歸以賊中情形來言因以金帛

令小旗揚壽齡結麓川百夫張勇烏猛期與合兵圍賊光先攻陶孟板殺其酋長遂與烏猛合攻江東西乃剛貢景諸寨皆下之奪其浮橋大師畢濟麓川定改守禦千戶所為指揮使司因陞光府知事還曲靖府治至楊繼祖襲

松韶閔巡檢司土官李英平蠻鄉民宣正間以捕盜著能麓川之役從征累功巡檢後以畢節夷亂從大兵解赤水圍俾世其官治至李舒和絕

南寧縣白水關巡檢司土官李撻芳以行伍從指揮李觀克大理烏撒累功授土巡檢治至李承恩世絕

潞江府

路南州土官秦普洪武十七年以降附授州同知未
集贈陞知州普生祿祿生福福無子有女曰玄貞
曰慶姐相繼興州事至成化中穀流遂失其官沿至
其舍秦世文世澤未斬徵調尚及之然皆編民耳今
世文死子秦國選攝捕盜事益削弱不振故遞時徵
調不及其屬夷皆羅羅性頑然每土官至爭迎于家
擊牲以飲率婦人羅拜于下執理甚恭殺之不忍
新興州鐵爐關巡檢司土官王爵來州白城鄉人初
為通事以麓川功授巡檢後以昆新之間時有寇阻
因建關於鐵爐山以扼其要授爵世官正嘉間曠塘
通海一碗水諸賊為亂屢征調後有王德隆亦從征

鳳繼祖傳至王鑄以罪戍邊今王舍王世又聽藥
江川縣開索嶺巡檢司土官李實本縣星雲里民宣
德元年設巡司於嶺上以地險流官鮮能其職邑中
公舉實因以為土官巡檢弘治中李厚舉調征貴州
春鑪山朱曾搆祐豆溫鄉正德中征安南長官司叛
夷那代今俗至李敏聽襲

安插土安刀門峯初為鎮康州土知州正統中太其
討麓川應募攻剋上江深入灣甸後軍糧不給館穀
者三月因直搗緬地獲思任思機累功陞孟定府知
府以其子刀班線為鎮康州知州後門峯入貢始京
師思氏餘孽思咲糾木邦攻鎮康殺班線掠其金牌

細信復敗孟定門僅次子刀孟不能支挈家奔永昌
時靖遠伯珥師來火不能復征因安羅因庫于激派
傳至乃鎮國港子天蔭襲

蒙化府

土官左禾蒙城鄉摩牙里今其光有左青羅者元為
順寧府同知傳至禾為九部大頭順寧司通事洪武
中平雲南仍以禾為大頭後大兵征高天惠等逃竄
禾遂招諭蒙化州人得授州判官禾集中左恤嗣以
兵與麓川戰于大候功第一累陞中憲大夫臨安府
知府掌州事正統中晉州為府遂真授知府分治至
庄近嵩襲世居城北隅江內部夷素而守紀洪武數

杖以勇悍每應徵調多野戰而無行伍

樣備驛土官尹義成府隸民洪武中從征佛光授驛丞今沿至丹國祐聰襲

鷓慶府

土官高海其先高賜元時為本府土千戶傳至海子國初歸附從征佛光寨有功授千夫長世居即城西北隅却夷附郭者馴而柔山後烏蠻羅羅依附險阻獷悍好殺調以赴敵無所短長沿至高王死子高藩臣襲其以百夫長稱者則有楊通王保王祥李清寸賜李奴王公張生趙宗皆即人以征佛光石門及守城魏嗣功得世其官今其裔有楊勣勛王屏王從震

李得麟守汝珍李言龍王寧張世立趙國瑞皆朱龍
襲其先世之官僅以生舍署事而已
高信即入以資糧鹽杖從征普顏罵論功授土知事
今治至高棠陰聽襲

觀音山驛土官郭生成府山外民大軍征佛光助順
授土驛丞今治至郭維藩

在城驛土官田崇即人以芻粟供軍儲克佛光寨授
土驛丞兼高冲下把事今治至田得惠聽襲

觀音山巡檢司土官王友山水民

國初以軍功授土巡檢治至王之和聽襲

劉川州土官趙氏洪武初歸附尋有功授土千戶今

浴至趙瞻死子國麟幼族舍趙曉暫攝之每徵調兵
皆出編民多脆弱其以佛光討賊運餉功授百夫長
者曰施保今浴至施應忠曰李善今浴至李承恩曰
趙堅今浴至趙添爵俱已襲其世官曰楊忠今浴至
楊純武曰楊保今浴至楊永興曰楊惠今浴至楊伯
晷曰楊均今浴至楊受技曰楊惠今浴至楊朝儒曰
段祐今浴至段開先曰楊海今浴至楊大兆曰李隆
今浴至李棟俱以土舍聽繫

順州土官子與其先有子日子希元時為世襲知州
天兵平南以州同知待之俾東部夷今至子如壁襲
其部曲武健調恒與順寧並驅爭先

姚安府

中官高壽成高義梓之裔世居姚州元為姚安路總管子高寺細土歸附自久叛奪其印信虎符西平侯以高保為土同知後自久攻姚州殺知州田本吏目楊信保挈印文洱海馮勣督進兵討之以保為前鋒敗賊於白監井救官吏熊以政等又捕賊于東山箐獲偽元帥張光遂招諭人民于白石的村賊來夜剽營又敗之獲其頭目高昌漸覺賊子馬哈山蘆頭山禽其部酋阿普楊通普只賊勢衰止遂召復舊人民定租稅建城郭官室開府治保死子孫世其官所部居崇山盡力隴畝家有常給控制番人驚悍喜聞每

奉調征不庭或至二千人遠之麓川老部師宗亘溫
阿堂鳳繼祖近之隴川丁改罕岳克舉諸役皆與焉
而鍊索箐之討自三岔河進兵衆至八千今萬曆中
高金宸以征緬功晉秩四品服金宸死高光裕襲光
裕尼妻高宗姁攝職麗江木氏女也以惟簿不修披
殺于高守藩聽襲

姚州土官高義在元為土知州子高惠

國初歸附授州同知與府同知高氏同城每徵調則
二氏並驅其戰士可三百人今沿至高應麒聽襲

廣西府

師宗州土官阿的州恩榮里人其先世有普恩者

在元為武德將軍世有其地至的歸附授州同知協
州事世居治左之恩榮寨的孫曰瓏哥遂以瓏為姓
正嘉間沿至隴節時有事於安南那大惠恩寨阿勿
及武尋舊甸咸徵其部三四百人萬曆中沿至瓏有
光苑妻妾秦氏昂代分攝之諸夷無統紀益以恣肆
今沿至隴耿聽襲

彌勒州土官昂代初有普得者率衆向化授王知州
尋陞知府或化中昂貴以不法事革知府以冠帶置
彌勒州住州治東食其地事在背司徵調之衆國掠
無紀律故近不用其在部龍鄉土舍曰昂尚才于欽
在末安寨孫世英在曰若鄉尚有部東鄉之普世隆

石碕寨之李世華俱以土舍稱祿慶里寨之竜得升
阿營里寨之普承宗朱車寨之鳳鳴山俱以營長稱
維摩州土官資事領州事設流後資高資金相維作
崇州治為壘其後資金為家奴所殺祀亦絕萬曆中
流民李應輝據之素悍悍聲數阻絕州雖有流官僅
僑寓盡誥耳

土官高仁義初為姚安府土同知高賢族兄以兵從
定西伯攻麓川上江累功姚安府照磨賢死其子高
貴繼子仁義為從子而官居其上以為嫌因調廣西
世職巡緝沿至高齊嵩死世絕仍於姚安取其親枝
高文啟至即承其職

尋甸府

土官安氏

國初為仁德府知府以高明馬龍二州為美歸厚二縣土官屬焉沿至安洋安迺相繼煽亂乃改高明為嵩明屬雲南馬龍屬曲靖併歸厚為美二縣為二十馬改郡名尋甸設流官蒞之安氏降為馬頭嘉靖初知府馬性魯以督徵糧稅繫安氏餘孽安銓并其妻裸撻之銓憤激遂作亂攻破府治合武箇鳳朝文垣逼省城

朝廷命尚書伍公文定集大師討之滅其族而其屬未盡革面萬曆戊申阿克叛有大理保楊禮著響應

又有阿達馬頭竜氏亦助逆官與討而謀之竜氏餘孽曰竜戈資順侵蓮水烏諸寇走甸甸寇退就禽斬于市其他觀望懷承心者猶費撫綏之力云

本日夙麗江府土官木森子成化中與其兄木嶺爭立安插尋甸府隆萬中木遇春從征罕岳羅雄以功授平天長治至土合木可棟

易龍驛土官奄索初為尋甸府把事洪武中從征資兵餉授土驛丞治至奄榮世絕

武定府

土官鳳氏其先曰弄積妻裔氏倡衆歸

天朝授土知府正德間弄積三世孫阿英改姓鳳潛

畜異謀其子朝文叛後孫繼祖擾捍天網巡撫尚書
呂公光河減之疏于

朝政發流官授鳳曆府經歷以永其嗣後每朔望夷
目輩咸稽首于府幕知府劉寅坐廳事見之懼其為
後患也乃請于巡撫陳公大賓以它罪殺之鳳火遂
絕萬曆丁未阿克自稱鳳火餘裔復捲土屠府城尋
彌省城脅取帑印而去官兵四路捕之生得獻

闕下法司論罪磔于西市其部有十八馬頭江內者
漸被王化江外者接壤東川七州峇窠盤錯雖連年
縱尋斧焉而終不能以大馬畜也壬戌雷曲大擾者
張世臣著幾搆大鑒今幸就網羅豹之御猶不能無

致意云

元謀縣土官阿吾元土知縣廣哀之子本焚夷種天
兵南下于金馬山歸命遂令招諭縣民得世襲土知
縣後以設流革除安銓鳳朝文之變其裔吾大用効
順殺賊克舉之變其裔亦以三百衆同官兵恢復縣
治今吾必奎報効討雷平累功名也守旃

金沙江巡檢司土官李安吉奴大里人初以部尉從
觀音保出降後從西平攻烏撒討永昌謀叛土同知
段惠又從征越州累功巡檢今治至李齊楠總襲
劉保山昆明人亦以觀音保部曲歸附諭烏撒永昌
越州功授摩耳山巡檢尋裁本司亦銓金沙江治至

劉銀哥聽襲

景東府

土官俄陶本府人其先有阿只魯在元為景東土知府統威遠州及案井毋龍猛統阿籠三甸賜以金牌印信陶仍其職洪武大兵至楚雄以通事阿哀從軍納款大理既平遣柳指揮宣諭景東陶遂與柳俱至楚雄獻蠻仗馬匹并元所給牌印因以陶為景東府知府頒印世其職後與思可戰不敵奔白崖以奏章請于

朝調神策衛鎮其地是為景東衛乃漸以流官補侍燕之尋頒錫金帶上鐫誠心報國四字及銀幣甚厚

金通政司經歷楊大用賜陶陶免子陶幹嗣後遂世
姓陶治至陶瓚增景東衛官兵攻麓川者章羽牙梭
輩攔等晉大中大夫資治少正其祖母阿囊大淑人
治至陶金以罪瘖其繫會者梟旬乃儀乃重構兵等
印去金以兵攻之斬乃儀得其印以歸乃卷陶金繫
今治至陶明卿其部楚夷性本馴朴而流民逆其重
兵習弩射以象助威游獵索米曾知鑑安銓阿堂以
至鳳繼祖烏撒諸校咸發其戰象夷兵先年每調兵
二千必自効千餘餉士之費未嘗仰給公家今不然
矣

姜同宗鎮南州人先以把事隨阿哀輩齎金牌印信

降漢以象馬八貢以從馬都督成碑嘉功得冠帶卒
子姜嵩宣德中陞撫緬正長官後改本府知事遂世
其官凡發陶氏象與姜氏咸以服屬從今治至姜可
父聽襲

楊勝成府人世為把事宣正中屢以麓川覲觐及著
章羽牙功得冠帶弘治中改三岔河哨為巡司以當
寇賊之衝也勝之裔司其干取後又以一碗水九密
坂二哨多寇并責楊氏黔之今治至楊立程襲

陶暹本府人初為頭目招岡宣德中貢襲為京銓保
甸巡檢又從征馬龍他即甸者章羽牙寨累功縣丞
後世世為巡檢陶氏最調出師暹之子孫咸在焉今

沿至陶國臣護印聰襲

阿賽初為俄羅誦村頭以諳夷語選迎得賓旅忽授
拔橋驛土驛丞左右流官賽死子阿哀嗣哀死子哀
徐嗣徐死于雲漢嗣遂以雲為姓今沿至雲必高護
印聰襲

元江府

土官那次

國朝洪武初那次中率衆歸附授世襲土知府尋設流
官興學校嘉靖中那次鑑爭立篡殺為亂布政徐公撫
率諸路兵討之鑑毒江上流入馬飲之輒死師少却
縱象馬躡我兵徐公中流矢卒鑑懼而自殺遂章其

官收印信令臨安衛指揮一人往署之而印猶懸那氏之家每官書移白指揮取其印必以夷與蜂擁環伺之署訖便擁去今土酋那大福鑑之孫也篡兄而立其地左環禮社右浸瀾滄鎮以賓山自樂天炎兩熟常甲萬餘然焚夷懦而畏寨性安其土不便征繕惟是流官僑寓純袴代割以致威德授於土酋雖停襲故激焉雄長也

麗江府

土官未得在元為麗江宣撫司副使

本朝洪武初入貢歸附後斷鬼石門寨論功授世官為土知府又從吉安侯征巨津捕阿奴聰于吐蕃斬

偽元帥朱保及西平征景東定邊威在行間得死子
初襲直白交山及偽平章賈哈喇麓川思任之亂威
有戰功其後世居西陲捍吐蕃每有徵調則輸軍餉
而兵不出谷八世至水增代有錫予增在任直北勝
酋搆亂以兵擒首逆高蘭又直遼左軍興輸餉三萬
于大司農

殿官鼎建亦輸金于邦土陳言十事下部議可
朝廷嘉其忠誠特與晉恭政秩

賜璽書榮其先世尋請老子懿襲

木目木甫人以統兵從征麓川累功授本府照磨沿
至木算刺未襲而死世絕

通安州土官高賜鵬慶人在元為義兵萬戶洪武十
五年

天兵平南賜從征佛老寨招諭來附者以軍儲餉大
師授通安州同知洽至高元襲元死高岑以土舍護
州印聽襲

蘭州土官羅克夙州人亦仕元為萬戶至

本朝洪武中率衆來歸以軍功授土知州其後有羅
牙者從夙初征伯夷刀干孟亦著戰功洽至羅萬蒙
襲萬蒙死羅蒙以土舍護州印未經承襲

巨津寶山二州原無土官巨津有流官知州寶山有
吏目俱不入其地俸入取洽于土府人民服屬于本

氏

廣西府

上官儂卽思元時為宣撫有二子長不花次楨祐不
花生儂卽今八兵南下歸附授土同知死無嗣楨祐
襲後以他事罹罪死洪武二十九年鎮守臣請官其
子襲卽奉

高皇帝曰儂楨祐祀事在大赦已前饒他兒子儂節
舉土人俗們旣保他也好吏部行文書着他知道等
他來朝時與他職至

仁廟時鎮臣具疏再請得

旨准國公說着儂卽舉做廣南府通判職事卽舉死

子胤祖襲正統中以征麓川功陞同知嘉靖中懷承
恩從征元江殿後有功死無嗣四門族舍目兵百姓
咸推懷之舉以冠帶署事阿堂之役率兵三千助征
鳳繼祖別者童之討皆以功獎其後徵河底亦以功
著萬曆七年遂實授同知後征罕奔亦建功焉其奉
死子應祖繼二十一年官兵征三鄉應祖親獲叛首
阿機魯拆阿則俘于軍門

欽賞曰雖百監二十八年征播徵其兵三千授之職
三十六年征尋甸叛目獲大理保楊禮旌以西昌服
應祖死子紹周襲

自禎祐次法設流官農氏之澤斬矣即舉得襲實

四門倉目之力故至今沿為例凡懷次替聚必錄
之上官之政多出四門租稅僅取十之一土官貧
弱以此道險瘴惡知府不至其地即篆以臨安衛
指揮一人署之指揮以他事遠出則篆亦塵封一
室土酋取入其宅必有瘟疫死亡萬曆末年懷紹
湯爭立糾交陟兵象入即焚掠一空迄今瘡痍未
甦

富州土官沈即先元時為富州安寧二州土官子沈
永秀梁王署為元帥洪武中永秀令通事何容等至
西平侯送款給以文書令守州土永秀死沈大忠嗣
守邊有功西平請予

朝授以知州其後子孫微弱不能襲多以土舍護印
萬曆初沈仁挈印逃奔泗城委官勘處竟未歸有說
覲者取其印以歸浴至沈世祿死子明通繼

順寧府

土官猛閣

國初歸附授知府六傳至猛廷瑞千紀羅法遂設流
官

雲州土官奉以其先從靖遠伯建功世為大侯州知
州浴至萬曆中有奉赦奉學分兩署自號上下二衙
學居下衙不受制于赦惟恃女夫廷瑞據雲夢頻年
構兵萬曆二十五年討平之議以雲夢置新州而赦

守大侯如故赦之子奉光不樂設流與其族猛麻奉
恭搆兵抗命二十六年再征之

朝命改州為今名猶官奉光子國恩為土州判

猛緬長官司土官其先不可考萬曆二十一年刀奉
厝遣人上書自言其祖奉和曾從王尚書軍功授長
官今自願納糧乞冠帶當事者從其請奉厝死子奉
昇肆害為頭目奉墮所殺弟奉昂奉星爭立昂奔孟
連星恃耿馬而木邦猛猛從中助兵巡撫周嘉謨檄
金騰道為之解紛令昂星分食其地而以其母陶氏
護印

猛猛巡檢司土官奉正萬曆二十七年題授土巡檢

猛撒巡檢司土司罕存與奉正同授巡檢

謝公滇畧曰猛猛撒猛緬所謂三猛也附近順
寧而猛猛最為強勁部落萬人時與二猛為難其
地田多箐多射獵為生猛緬地雖廣衍而民柔怯
酋長忠順猛撒微弱近折而入耿馬矣

永寧府

土官土都各吉洪武中以故元永寧州部氏來歸授
土知州死子各吉八合嗣永樂三年率香羅韋甸瓦
魯之剌次和四部番夷火頭拔必他布郎吉公阿只
其等入朝

上嘉之陞永寧為府授各吉八合中順大夫賜銀金

花帶騶四字曰克篤忠誠更以香羅草甸瓦魯之刺
次和為長官司授秩必他等副長官後八吉老族胥
繫于其子卜撒為四川監井土官刺馬非所侵父于
俱被殺卜撒妻訴于鎮守三司逮刺馬非赴京道卒
因疆理其地以卜撒弟南八嗣其職正統中監井諸
酋侵據之土官不能制乃請設流官同知經歷各一
治署于瀾滄衛握印符達制之其地歲適麗江故赦
以侵漁為辭然永麗以金沙江為界畫地而處原自
分明經募府委勘後爭端稍息今在永寧稱土知府
曰阿銓

鎮沅府

土官刀平其先有中旺者仕元為元江路總管洪武
中傳至平與兄那直率衆歸附有

旨命元孫練兵聽調中旺自任出民兵四千以那直
子榮辦府事而令刀平掌兵聽調遂營西平之

諸授子大長後領兵招諭六谷三十三寨諭其大頭
沙美等出官任差發回令鈐束後剽刀猛混及猛密
遺走案板等寨設鎮沅州以平與州事永樂中從征
八百又從內官都拊楊安趙忠等攻石崖者達寨米
吳整線來降又以方物入貢

詔陞顯沅為府平以知府領之其後子孫多以冠世帶
署事嘉靖中傳至刀平息奉調以兵征安甯者二十

人其子乃仁奏勸准襲復以兵一千征那鹽克魚復
寨據之至今之懷谷併之志初顯沅印為那氏所奪
于是治得獻藩司乃令經歷劉廷秀給之乃仁為公
治至乃明泰襲

北勝州

土官高武祥本州四城鄉樊夷人任元北勝府知府
累官雲南行省右丞洪武中以北勝地在邊陲政府
為州二十三年武祥子高策以軍功授知州其後高
景以征麓川功晉府同知高崧以征安鳳功加階朝
列大夫高世懋以征順大功能加四品服世懋死其
族高蘭以罪蒙誅今治至高世高襲

章言帖木兒世為元北勝土知府天兵克大理以部
民及順州民人來降并納所握印及麗澤宣撫司印
三珠虎符西平令其子章觀音奴從軍與逃於保乃
殺其爵為州同知與高氏翼居州治在極其兵素號
無部伍累戰而戰悍勁不避衝突未嘗棄去是其長
扶今沿至章成文聽襲

浪葉州土官阿的洪武初以夾兵歸附從征西平奏
授土知州屬于瀾滄衛其後有阿朝佐者征鳳繼祖
斬其部酋普古者渠輩以功稱首及征鐵索箬者姚
關順寧武定咸發其所部番兵五六百衆徒輒有功
今沿至阿永成聽襲

者梁甸長官司

土官刀氏洪武末內附世願司事其地山險瘴多介
于鎮沅元江景東之間日事戎戰鎧械犀利兵寡而
勁諸夷咸憚之今其酋乃刀安

屬夷 附貢道

自永昌出塞南際大海諸夷自相君長

本朝芟鋤梁段以武臨之皆稽首而奉正朔葦其昭
網昭錄之舊稱授以宣慰撫之新號葉文通于
銀臺象馬陳于闕廷版章設于職方綱紀之司屬
在行省夫自漢以來修輿圖之廣者莫若本唐乃
姚馬諸州僅屬羈縻而今按籍所載不啻斥地數
千里折筭所使竝在通封此亦聲教之極盛哉前
志有西南夷司志太諸司隸行者如騰薛郎之佚
來焉則阿瓦江頭吾南土也夷刻以西南而全自
為夷司耶故更之曰屬夷其山川道里風俗物產

亦不以刻款麗標約其身歸情利今昔不同卷則
有永昌太守龍為光所條列就而增飭之貢道聯
終諸夷實為要領舊志志草兩論競真坊中夷弊
皆仍其舊至於大金沙江考載夷中水路頗詳業
見紀文可以互證又滇畧稱

高廟惡諸夷數叛賜之刀屨令罕四姓今惟令姓無
存其它相仍未替編中未及因附見之

車里軍民宣慰使司

即古產里商初伊尹令以象齒短狗為獻周公作指
南車導之歸故名車里元世祖命將元良吉解代交
趾經其所部悉降之至元中置撒里路軍民總管府

領六旬後又請至耿凍路耿當孟弄云州

皇明洪武十七年改置車里軍民府十九年改置慰
使司永樂元年其酋乃暹發內侵虜我官吏西手候
詣討之

上命以理諭暹答悔懼還所虜及地遣使入謝至嘉
靖間附於緬萬曆十一年官兵擊緬酋慰乃掃撫
使貢象進方物兄居大車里應緬使弟居小車里應
漢使其地東至落恐蠻界南至迭勒蠻界西至公可
宣慰司界北至元江軍民府界西北通孟連長侯司
錄者梁甸西南行十一日至其地其山曰猛永曰光
山其江曰沙本曰九龍其產輸石銅木香沉香其羞

張微黃金五十民皆焚夷性頗淳頗上刺一旗為號
作樂以手拍羊皮長鼓而間以銅鑣銅鼓拍板其鄉
村飲宴則擊大鼓吹蘆笙舞牌為樂

木邦軍民宣慰使司

舊名孟都一名孟邦相傳蜀漢時木鹿王苗裔元至
元二十六年立木邦軍民總管府領三甸

國初內附改木邦府後改木邦軍民宣慰使司徵差
銀白金一千四百兩梁間宣慰罕賓從征緬正統中
罕蓋從征麓川俱以有功益其地以故在六慰中分
土最遠萬曆十年緬誘罕拔陷死襲取木邦拔子進
忠內奔罕虔勾緬追進忠至姚關焚順寧而去十一

年官兵破緬于姚閣立進忠子欽欽死其叔罕檻約
暹羅成緬緬恨之萬曆三十三年以五十萬衆圍其
城請救于我不至城陷金牌印信盡喪緬乃娶猛密
思化願之今惟猛密羅緬奔諸寨為我有罪思化憑
恃瓦酋怒喝諸夷逆差其目海慶據控尾而來猛密
又與呂床坎換象于戈相尋炎炎有吞鎮康之意其
東為孟定南為猛密西為緬甸北為芒市自姚閣渡
喳哩江十二程至其地夷類數種男子皆衣白文身
髡髮摘髭鬚修眉睫婦人則白衣掃裾耳帶金圈手
象鐲其產響錫胡椒

八百大甸軍民宣慰使司

夷名景邁世傳其酋有妻八百各領一寨因名八百
媳婦國元初征初不能得志後遣使招附元統初置
八百等處宣慰司

皇明洪武二十四年其酋來貢乃立八百大甸軍民
宣慰使司東至車里宣慰使司界南至洪勅蠻界西
至大古喇界北至孟艮府界自姚關東南行至其地
五十程有南格剌山下有河南屬八百北屬車里平
川數千里轄却廣遠其產巨象安息白檀諸香民皆
焚夷刺花樣于眉目間見客則把手為禮好佛惡殺
一村一寺每寺一塔塔以萬計有敵人侵之不得已
一舉兵得所襲而罷名慈悲國嘉靖間為緬所戮刀

氏避居景練一名小八百緬以其弟莽應龍住居景
邁城為石臂萬曆十五年丁亥以莽請兵恢復議未
諒參久為緬有矣

老撾軍民宣慰使司

其夷佩雕爪為節俗呼撾家即古越裳氏自周以後
不通中國

皇明永樂三年其酋將方物入貢始置老撾軍民宣
慰使司東至水尾界南至交趾界西至八百界北至
車里宣慰使司界自司西北六十八程至布政司其
人衣服飲食類木邦但性獷悍身及眉目皆黥繡花
面長一代止存一子承襲絕不育女居高接見人不

思部屬見之所至有定地名曰等限使客亦然設通
事引之以至其地其國人稱

至尊必曰天旺蓋春秋天王之意其產海具犀牛乳
香訶子交趾蘇利之變陳天平實繇此道入于京師
嘉靖間緬人破其東之纜掌蓋老撾屬部地之最荒
遠云

孟養軍民宣慰使司

俗名迤西有香栢城與蠻莫同襟金沙江孟養居其
上流南至底馬撒疆連西洋北極吐蕃西通天竺東
南鄰于緬山曰鬼崖號稱險要夷之據為硬寨小有
擾讐則治兵相攻其上下濕夜寒濱江為竹樓以居

一日教浴有碧瑱琥珀四足巨蟬膳可解諸毒其通
中藥蓋坊于勝國至元二十六年始置雲遠路軍民
總管府

皇明洪武十五年改為雲遠府十七年改孟養軍民
宣慰使司年諭白金七百五十為差發正統間宣慰
刀王賓敗于麓川思任因內奔故絕後為思潑所據
自土狀額為差發民靖遠伯許之襲石金沙江土曰
石爛江枯方詳渡後雖冒金牌終無印信凡遇文告
第稱守金沙江奴婢而已萬曆八年緬擒宣慰思圓
幽死據其地舍月奔永昌十二年思義來歸十三年
思威敗緬于密堵殺緬目多曩長十七年思明子思

還貢相進之物

欽賞金幣授宣慰十八年緬報寇堵之役優攻孟養
遠率其子昏奔益西緬以曩寇在而擾之與後又有
思囊者送款於我與蠻莫思正結為脅齒共擾長江
以抗緬三十年緬追思正囊率兵象倍道馳救之至
則我已殺正統緬矣三十二年緬復襲迤西囊走死
緬以頭目思華據之今華物故妻怕氏領其地又三
年矣緬中他目更番戍守連年發其兵從征素強悍
不可縻云囊之遺目曰放思祖有衆千餘人不敢歸
安挿于崖

緬甸軍民宣慰使司

蠻名阿瓦元世祖至中元錄吐蕃三討之後於蒲甘
緬甸城置和牙等處宣慰使司

皇明洪武二十九年始歸附立緬甸軍民宣慰使司
求樂間遣翰林張洪使其死正統間宣慰莽刺創聚
叛夷思任思機獻於京師益以地嘉靖初孟養思倫
猛密思真連兵侵緬殺莽紀歲緬目訴于

朝委官往勸不聽永司金牌信符貯永昌府庫中嘉
靖中紀歲枝子瑞體起洞吾毒養父有其地已計滅

得楞之弟兄遂雄據之東破纜掌即老西取土啞即

羅改景邁服車里因思個陷罕拔號召三宣為西南
雄長偽稱為金撻白象召法補元莽啞刺弄及瑞體

死應裡繼之萬曆十一年恭灼來歸應裡怒攻之灼
奔騰越應裡以次子思丰奔尉者居之而洞吾猛別
雍會等處悉授其弟姪守焉其詳別具本末其疆東
至八百宣慰使司界南至海西至孟養界北至猛密
宣撫司界自司東北三十八程至布政司轉達於京
師其山曰小勃江曰金沙開五里餘水勢甚盛緬人
恃以為險其俗景詐標悍有屋廬以居象馬以乘舟
筏以濟其文字進上者用金葉寫之次用紙次用檳
榔葉謂之緬書男子善浮水縮髻頂前用青白布纏
之婦人縮髻頂後不施脂粉事佛敬僧有大事則抱
佛說誓質之僧然後決其產象犀馬椰子白氍布燒

羅綿樹類梭高五六丈結實如掌七八以麴糵罐中
以索懸罐于竇下刻竇取汁流于罐以爲酒名曰樹
頭酒或不用麴惟取汁蒸爲白糖其葉卽貝葉寫緇
書用之石油自石縫流出臭惡而也黑可塗毒瘡古
蹟有江頭城至騰衝十五日太公城在江頭城南十
日馬來城在太公城南八日安正國城在馬來城南
五日蒲卑山王城在安正國城西南五日所謂緬中
五域也

孟定府

舊名景麻元至順四年立孟定路軍民總管鹿頌二
甸隸大理金齒等處宣慰使司

皇明洪武十五年改置孟定府正統間麓夷叛知府刁禄孟遠遁失其地木邦舍目罕葛從征麓川有功王靖遠令食其土額徵差發六百兩嘉靖間木邦罕列據地而奪其印令舍人罕慶管失之是以耿馬子粒歸木邦萬曆十二年官兵克耿馬以罕葛之後舍為知府十五年頒以新印舍死子榮嗣榮死弟貴嗣自姚關南八日八其疆東接雲州南連孟連界西木邦北鎮康州土瘠人稀有景店土城馬援營在焉其阨要則喳哩江其俗男子髡跣黑齒衣白布戴細竹絲帽以金玉等寶飾其頂遍挿翠花翎毛之類後垂紅纓婦人出外戴大藤笠狀類團牌而頂尖身衣文

繡飾以珂貝地產香櫞視南安州產尤人

孟良府

蠻名孟指在姚關東西二千里東為車里界南為八百界西為木邦界北為孟連界自古與中國絕永樂四年來歸置孟良府編差發黃金十六兩後為木邦兼併嘉靖間附于緬與景邁莽應龍相表裡然亦未敢背漢云其酋名怕詔所居層樓有妻數百人脯候乘象出浴于江浴畢罰服羅拜酋鮮約臂金鐲授者當夕其官師曰司祿刀猛卒伍曰皆此出入以象名曰象馬兵革犀利男女俱警捷沃野千里最稱殷富地多虎農者于樹沙結草樓以護禾衣皆綳項驚毛

為得雲南知府趙渾曾以撫夷入其地酋長偃蹇不以使命禮遇之後無人至者

南甸宣撫司

舊名南宋在騰越南半箇山下其山顛北霜雪恒有南則災瘴如蒸蓋天限華夷也元至元二十六年置南甸路軍民總管府領三甸

皇明洪武十五年改南甸府永樂十二年改南甸州正統八年其酋刀氏以麓川功陞宣撫司轄部有羅布司莊與小隴川皆百夫長之分地知事謝氏居曩朱悶氏居盞西屬部拒抵金沙江與迤西地方相牙錯萬曆二十一年軍門陳用賓檄知府漆文昌建隄

置堡於司之西北今化為烏有宣撫刀落寧替襲於
其子暨孫皆死世絕今議刀落故襲同慶以兼攝其
東至半市界南至隴州界西至孟養界幅員之廣焉
三宣冠山曰丙弄在司東十里昔有僧自大理至此
坐化變形為石後經兵燬止存其首土人祀之辰東
五里曰蠻干土酋憑險阻世居其上又十里曰溫泉
有層峯多陰林下有溫泉曰沙木籠在司南一百里
上有閼立木為柵周圍一里曰南牙甚高遠袤一百
餘里官道經之上有石梯夷人據此為險又有清泉
下流入南牙江川曰小梁河源在騰衝一出赤土山
一出緬箐山至此合流經南牙山西南又曰南牙水

至千崖為安樂河而合于大盈江曰孟乃河在司東南一有七十里即騰越州龍川江之源曰大盈江自騰衝流至司境過鎮西入緬甸俗與木邦同結親用穀茶二長筒鷄卵五七籠為聘客至以穀茶供奉手拈而食之產孔雀叫雞紅藤顏微差發銀一百兩五十兩

千崖宣撫司

繇騰越西南行二百里踰黃連關至其境東北接南甸西接隴西有平川衆岡棋置其山曰雲冕在司南一十五里上有瀑布流為雲冕河曰雲籠在司東二一十五里曰白連在司北六十里中挺一峯土官居其

麓下有白蓮池曰刺朋在司西一百餘里其水曰雲
晃河在司治南與雲龍河合灌田千餘畝曰安樂河
源出騰衝經南甸迤邐治北折而西一百里至里滿
攢柳江至北換蠻界注金沙江入於緬中與西河
在司東北三十里源出雲龍山分流十五里亦與雲
龍河匯境內甚熱四時皆蠶以其絲織五色土錦充
貢又有白氎布白蓮花竹鼉大如兔而肥舊名干賴
賊元中統初內附至元中置鎮西路軍民總管府領
二甸

皇明洪武十五年改為鎮西府後為千崖長官司額
徵差發銀一百兩正統間以麓川功陞宣撫司萬曆

三十九年乃定邊又以平叛功加三品服色世守其
土今時雖有憑陵南甸之意其副使乃思丙居叢邊
岡同知劉漢佐居蠻酒岡經歷廖氏居雷弄岡今故
絕卽其地爲回龍營知事管奇勛居猛語岡劉管廖
皆華人以功授者叢邊昔稱殷富萬曆九年爲緬攻
掠一空而去亦經建閣築堡于柝嶺今不知何狀矣

隴川宣撫司

舊爲麓川地在芒市路東其地曰大柝芒曰賤頭附
賽曰賤中彈吉曰賤尾福祿培皆隸矣所居元中統
初內附至元十三年置麓州路隸金齒等處宣撫司
皇明洪武十七年歸附置麓川平緬宣慰司正統三

平其土奠思任叛木軍平之革其同十七年置隴川
宣撫同於隴把與南甸干崖合為三宣屏蔽永騰以
夷目龔項頤之後內奔安插曲靖以多民代萬曆十
一年岳鳳勾緬篡其地十二年鳳鳥既俘多思頤當
立以爲宣撫多庵爲同知居猛卯多恭爲副使管邊
放二十年緬人窺等練至其地思頤奔猛卯會官兵
大戰於栗柴壩追逐之萬曆二十一年巡撫陳用賓
檄知府添文昌築堡四閩三十五年思頤子安民叛
巡撫周嘉謨平之以金牌界多安靖俟其長而授之
印又有多安邦者安民之弟也昔亦附緬今寄居蠻
莫猶脾晚內地焉其東至芒市南至木邦西至干崖

北至南甸自司治東北二十六程至布政司轉達于
京師有馬鞍山磨梨山羅木山俱極高峻夷人恃以
為險又有湯泉從石罅流出為河熱如沸湯俗與南
甸同產大芋長尺餘又有孔雀尾豬紫膠大葉鮮子
鱗蛇鸚鵡差發額徵銀四百兩

俾二百兩

耿馬宣撫司

與孟定府同川隔喳哩江而居孟定居其南耿馬居
其北舊無宣撫嘉靖間木邦兼孟定以罕慶食其地
慶子門罕弱不振族舍罕慶四子皆標悍謀醜四女
於四川遂附緬奪其地萬曆十一年從緬逐罕進忠
破施甸十一月又勾緬犯姚關官兵敗之於攀枝花

十二、正月官兵從虔父子斬之奏設宣撫司以
罕為宣撫十五年頒宣撫司印今問罕物故弟們罕
金護印屢奉貢表庭近者木邦思禮時畏灣甸鎮康
時有罕金為之聲援天啟三年緬攻猛乃孟良罕金
欲殺之緬移兵將攻金金不得已以銀碗大馬為說
今猶相持未決而逆虔第四子罕正居猛猛恃孟理
為其壻時與罕金相構撫綏宜極講云其東至威遠
南至孟理西至木邦北至鎮康自司治東三十一程
至布政司轉達於京師有三尖山昔罕虔之黨罕老
聚衆負固于此官兵平之又冇馬養山風俗與孟定
同

猛密宣撫司

有磚城無戍樓產花果瓜蔬與中國同又有資井金
鑛估客雲集南牙山峙之摩勒金沙二水環焉山高
田少米穀騰貴又多地牟鬼爲行人崇北距騰衝一
千一百里南通緬一千里一絲木邦錫渡入一絲木
邦至猛廣入一絲邦抗魯祖渡莫勒江過南牙而入
一絲蠻莫入永柔間木邦宣慰罕賓以征公而緬甸
功授以猛密亦三處成化間夷目思奎據寶井叛木
邦占奪其地都御史程宗奏設猛密安撫司授孟以
安撫嘉靖初思奔思混爭立緬獲奔立混混德緬遂
以地附焉萬曆十二年混率司比思恨丙剏齋偽印

改名思忠來歸遂陞為宣撫忠故十七年緬攻猛密
忠母罕烘弱不能支率其孫思禮思忠奔緬廣而後
密未十八年緬復攻猛廣罕烘思禮奔隴川思忠丙
測奔工回而猛廣又失二十年仁以象馬來隴川為
宣撫多思順所拒忿歸然緬緬以思忠食其地自為
蠻莫宣撫司

地在騰越西蠻哈山下山如象鼻行麓累足自橫嶺
三日至其地田土饒衍風俗與隴川猛密同東有等
練山環以邦莫江直定金沙當緬入水陸之衝實隴
川右臂舊為猛密分地後貧長稍強擅而有之萬曆
初土莫思恨與賊鳳相表裡岳罕平思恨懼而來歸

題後宣撫等叛附緬其母罕送明順逆逆戈擊緬勢
孤不能居遁去適猛密頭目思化典思威敗緬于送
連緬逐之入居其地當事者嘉其為縮敵而內附遂
畀以蠻莫而樹之二十二年緬大舉來襲化奔隴川
巡撫陳用賓檄諸酋合師擊緬宵遁化死 子正嗣
二十九年緬又潛師萬餘繇間道改正正奔騰衝緬
兵過內地挾取正首而去偽立多罕蠻莫遂為多罕
有議者謂正為我守戶之大奔內地而不能逃死有
遺憾焉三十二年官兵討多罕于崖當事者安插於
猛卯近復聚思線女又與蓋達結為姻親議者懼其
飽則黷去宜預為之防云

威遠州

唐南詔銀生府之地漢落難蠻所居大理時為楚夷
所有男女勇健走險如飛其境內莫蒙寨有河汲其
水煉于炭火上即為細鹽交易無秤斗以篋筭計多
寡而量之又有南堆江谷竇江自遮遏甸流至州境
下流入于瀾滄其鎮曰蒙梁山東至元江南至孟連
西至孟定北至鎮沅自州治東北一十九程至布政
司轉達于京師額徵差發銀四百兩

灣甸州

蠻名細賤在姚關東南七十里東西順寧南至鎮康
西至木邦其地瘠薄山高水迅每六月瘴毒熾盛水

不可涉有黑泉色如點漆漲時鳥飛過之輒墜夷以竿掛布浸而暴之以拭盤盂人食其物立死有孟通山產茗穀兩前抹之勝于中國但不能多致耳又有芭蕉實以當果其人皆薙種婦人貴者貫象牙筒于髻長三寸許挿金鳳蛾絡以金索以紅氈帶束臂纏頸白布窄袖短衫黑布桶裙不知鉛汞自古不通中國元中統初乃內附屬鎮康路

皇明洪武十七年置灣甸州編戶五里鄰于木邦順寧日以侵削萬曆十一年知州景宗真率弟宗材導罕度入寇姚關十一月獲大犯宗真死于陣擒宗材斬之以宗真子景從垂髫姑存之降為州判官後從

討猛廷瑞有功復陞知州從死叔景闊暫攝今闊死
以從子承恩冠帶護印其差發額徵銀一百五十兩
鎮康州

蠻本名石賤在彎甸東南東至雲州南至耿馬西至
木邦有無量烏木龍二山木邦出入必經之夷號黑
焚形惡色黑以青白布為衣跣足荆棘中走如飛男
子出婦人閉戶靜坐以待遇有事戴雞骨并吉山瘧
不服藥專祭鬼死則剝木為棺殯之墳上植樹為識
產水乳香大葉鮮子蟒蛇膽元中統中內附至元十
三年立鎮康路軍民總管府領三甸

皇明洪武十五年改為鎮康府十七年改為州編戶

六里差發白金一百兩亦為本邦順寧侵削隆慶間
知州閔坎者逆度妻以女因附度歸緇萬曆十七年
官兵敗緇閔坎物故其弟閔恩歸義授以州事恩死
子刀閔拱掌印管事本邦恩禮誘之歸緇拱不從遂
令海慶取控尾據之又欲取猛拿天啟二年三月本
邦兵象據喳哩江拱奔姚關守蔣遣官撫之未期乃
退今勢亦削弱恐終無以捍冰梅也

潞江安撫司

地在永昌騰越之間南負高崙山北臨潞江官道出
其中實咽喉也民皆獠屬地多瘴厲夏秋之冬為酷
蠻名恕江甸元至元間隸柔遠路

國朝洪武十五年内附置長官司永樂九年陞安撫司以線內順司事今沿至線世祿文有線廷舉若司捕事久死

芒市長官司

舊名怒謀文曰大括賊小括賊在永昌西南四百里西至隴川南至木邦東至路江川原曠蕪田土富饒而人猶脆弱男子以酸石榴皮染齒使黑婦人分髮直額為一髻垂于後跣而衣皮即唐書所稱茫施蠻也西南有青石山又有永貢幹孟二山皆高廣陡絕夷酋所居其水曰芒市河麓川江出峨昌蠻金沙江出青石山皆流至緬地合大盈江曰大車撫自騰越

流至司境匯于緬中蒲于城池產沙金香檳榔芋
蔗又多銀非元中統初內附至元十三年立茫施路
軍民總管府領二甸

皇明洪武十五年置茫施府正統元年改置茫市長
官司額徵差發銀一百兩萬曆初酋長放福與岳鳳
聯婚十一年導緬寇松坡營事覺擒福正法立舍目
放緯領司事轄于隴把

孟連長官司

繇姚關東南行十九程至其地又七程至孟艮其東
為車里西為木邦部內有莫乃境出卅世專其利以
致殷富蠻名哈瓦標悍好剽古不通中華正統間平

麓川始來歸萬曆間酋長嫡嗣曰刀派真有叔刀派
漢娶于車里因以車里殺派其而奪其官十二年率
車里來貢十九年又勸緬來貢今派漢族弟派金嗣
天啟二年三月阿瓦破之會洞吾代瓦瓦乃退其差
發額銀二百兩

茶山長官司

騰越州西北去可五日程距高黎貢山極近而寒五
穀不埒其人強悍喜鬪土酋早姓舊屬孟養永樂三
年孟養斜上江刀猛永叛夷目早章憤其不思遠不
附五年詣

闕下賜印授早章為茶山長官十五年章舉頭目早

璫為副至早王授正長官其北與麗江野人接境近
年副長官早大宸所部為野人殺鹵無子遺奔入內
地阿幸為寓公惟正長官早節所部尚存耳其南至
南甸西至里麻

里麻長官司

東與茶山接西北背野人有整冬溫冬二山部夷皆
峨昌蠻舊屬孟養永樂三年孟養叛土酋早姓有拒
賊功六年頒印世授長官萬曆中刀思慶襲正長官
早奔副之今沿至刀思虎為野人所掠盡弃其地與
把事李廷高奔赤石坪副長官早堪信被殺無噍類
焉

鈕元長官司

蠻名也元自古不通中國

皇明宣德七年始歸附至鈕元長官司其地東至元
江軍民府界南至車里宣慰司界西至威遠州界北
至臨安府思陀甸長官司界自司北二十六程至布
政司轉達於京師民皆倭泥類蒲蠻男子縮髻於頂
白布纏頭婦人白背盤頭露頂以花布為套頭見人
無拜禮額微羞發銀四十兩

附論 志草

孔子曰言忠信行篤敬雖蠻貊之邦行矣雲南在
兩漢至唐開元奠長安其土郡縣治其人今土流

竝設之法自漢世而已然矣天寶以後守長不素
恣肆誅未遂起割據僭竊之禍觀張喬斬奸猾長
史九十餘人而三十六部盡降諸葛孔明用其豪
傑而財賦足以給軍國史萬歲受明珠而隨服隨
叛梁毗一金不取而眞長咸歸李知古以重貳戮
尸張虔陀以淫虐被殺鮮于仲通徧急而喪師杜
元穎高傲而致亂然則御夷之道顧不甚簡易乎
嗚呼今之雲南卽漢唐之雲南也雲南之郡縣卽
天下之郡縣也用人者鑒漢唐之得失為官擇人
而不為人擇地不分中邊不分遠邇惟賢是用誠
得廉靜老成如張喬梁毗者而用于雲南則億萬

千年永無南顧之憂矣

附論舊誌

雲南撒外之夷俱在黑水之南是名焚夷

國朝撫夷之術乃駕馭之良法惜今不講久矣麓川之叛也初以小攻取得利因大肆貪求盛陳兵革然猶在滇撒外以夷攻夷久而莫之禁也則志驕氣盈因之為逆嗚呼萌蘖不剪拱把其柰何雖天兵南下渠魁就俘然斯民之塗炭已極矣是後識治體之臣鑒麓川之禍修復舊典以防其微歲撤文武良吏深入夷方名曰撫夷一以勘明奏歲一以察識夷情歸報重臣以俟分別故夷方雖遠夷

情巨則然其動定音耗可坐而至即有小警隨加
策斷不俟其大翼弱鋤強興廢繼絕不待其聞故
夷官兢兢小心其子孫得以永享佚樂夷民得安
於本業而中國之民亦無戰伐之勞乃

聖王仁覆華夷之大敵也今則不然上以文具使下
下以故事應上使不擇人故夷不服上不信下故
事不終為南中計盍思其本原而調御之

貢道

上路

繇永昌過蒲縹經屋狀山箐險路狹馬不得並行過
山至洛江江水有高黎貢山路亦頗險山巔夷人立

柵為砦在三代為檄水地過騰衝衛西南行至南甸
千崖隴川三宣撫司隴川有諸葛孔明寄箭山隴川
之外一望數千里絕無山谿隴川十日至猛密二日
至賓井又十日至緬甸又十日至洞吾又十日至擺
古莽負居之卽喇宣慰司擺古夷語也

下路

繇景東歷者樂甸行一日至鎮沅府又行二日始達
車里宣慰司之界行二日至車里之普耳山其山產
茶又有一山聳秀名光山有車里頭居之蜀漢孔明
營壘在焉又行二日至一大川原廣可十里其中
養象其山亦為孔明寄箭處又有孔明碑苔泐不辨

卒矣又行四日始至車里宣慰司在九龍山之下臨
大江亦名九龍江即黑水之末流也餘車里西南行
八日至八百媳婦宣慰司又西南行一月至老撾宣
慰又西行十五六日至西洋海岸乃擺古莽翁之地
也

種人

史稱西南夷數十種不著其名號唐書南詔及兩
爨蠻傳所載頗詳李氏舊志取而附益之作爨蠻
風俗謂二種蓋滇南夷類然夷繁有徒噪括未盡
又古今變殊有名實刺謬未免牽合附會者包氏
志草一舉而芟除之豈謂語侏僂而習狂獠皆陋

劣不典無足置筆是象胥可無設而圖王會者強
解事也夫姜戎陸渾赤白狄爭抗衡于春秋氏羌
索頭解卑互傾軋于晉代蓋族類別則攸持不同
量風氣殊則悍靡不同竇不曙其情態而施調伏
制馭之宜幾不瞭瞭乎茲旁索故府有直指黃公
所采民風圖記漢中諸夷甚詳又謀取獻老所稱
述就舊志區分而詳覈之使野鹿標技面目不失
烏喙數攫本情悉窮攬斯編也其于柔服百蠻或
不為駢拇枝指乎

蠻蠻

蠻氏本安邑人在晉時為南寧太守中國亂遂王蠻

中舍六涼有爨王碑云是楚令尹子文之後受姓班氏西漢末食邑於爨遂以為氏其後世為鎮蠻校尉晉時有爨深爨璿爨震隋爨訖作亂史萬歲討平之唐以爨歸王為南寧州刺史理石城即今曲靖也唐書自曲州靖州西南昆川曲輒晉寧喻獻安寧距龍和城通謂之西爨白蠻自牂牁牂牁二州南至步頭謂之東爨烏蠻蠻本以烏白為號無姓氏其稱爨者從其奠安之姓耳滇之初有白國王則夷為白人其後有爨王則為爨即今廣西夷為懷人之類爨蠻之名相沿最久其初種類甚多有號盧鹿蠻者今訛為羅羅凡黑水之內依山谷險阻者皆是名號差殊言

語嗜好或因之而異大畧寡則刀耕火種衆則聚而
為盜男子椎結摘去髭鬚左右佩雙刀嘉關輕死馬
貴折尾鞍無韜刺木為鞮狀如魚白微容足趾婦女
披髮衣阜貴者錦繡飾賤者披羊皮乘馬則並足橫
坐室女耳穿大環剪髮齊眉裙不掩膝夫婦書米相
見生子十歲乃見其父妻妾不相妬忌嫁聚尚舅家
無可配者方許別婚臘月為春節豎長竿橫設木左
右各佐一人以立落為戲病無醫藥用夷王攘之正
號大現蟠或曰拜馮或曰白馬取雞雞雄者生剝取
其兩髀束之細刮其皮骨有細竅刺以竹簽相其多
寡向背順逆之形其雞骨竅各異累白無雷同以占

吉凶或取山間草芥束而拈之畧如蓄法其應如響
有夷經胥囊字狀類蚪蚪精者能知天象斷陰晴在
酋長左右凡疑必取決焉民間皆祭天為臺三階而
白馬為之禱奠長正妻曰耐德非所生不得繼是位
若耐德無子或有子早夭者始及庶出及野合所生
者無嗣則立其妻女死以豹皮裹屍而焚葬其骨于
山非骨肉莫知其處多養死士名曰宜可厚贍之每
兵出則宜可為前鋒軍無行伍紀律戰則蹲身前進
三四步乃揮標躍起人挾三標發其二必中二人其
一則以繫刺不斃也又有勁弩毒矢飲血即死以射
禽獸去其射中之肉而食之部夷稱酋必曰撒頗夷

言主人也夷皆懲而懲主諾酋果子殺戮每戮必止
付二卒携持至野外掘一坑集其親和泣別痛飲徹
夜昧爽乃斷其頭推坑中復命更使二卒勸之乃許
其家收葬雖素暱者欲殺則殺之今雖無敢居間者
死其家人莫敢怨懲以用法嚴故境內無盜然其誅
未無厭每酋長有慶事令頭目入村寨計丁而誅之
進行所至閭寨為供張無少長皆出羅拜馬前鄰寨
在數十里內者皆以雞黍餽無以應誅未往往者出
他境刳掠所得隻長頭目私分之官府撤下督責則
縛數人應命舊誌云為盜賊皆土府有以致官廉則
盜自息信然也其種類附列于後

白纓羅男木兩截衣裹頭跣足婦人耳帶銅環披衣如袈裟以草帶繫腰喪無棺縛以大麻裹龍槨于竹椅前導七人擗甲冑執槍弩四方射名禁惡止殺焚之于山既焚鳴金執旗招其魂以竹簋黍絜少許置小篋籠懸生者床間祭以旦月念三日擗出孫三百枝于門列篋籠地上割燒豚每籠各獻少許脩以酒食誦夷經羅拜為敬婚姻惟其種類以牛馬為聘及聚衆訟于女家奪其女而歸性恣情淫酒信鬼畜蠱以手量格遑投麥于水驗其沉浮以當占卜在雲南汝江臨安永昌者漸習王化同于編氓其在蒙自定邊尚稱頑梗在曲靖者夷為賤種在江川大理

姚安皆稱撒馬都大抵衰弱易治

黑羅羅男子挽髮以布帶束之耳帶圓墜六隻撲氍
毹刀時刻不釋婦人頭蒙方尺青布束頸上短衣
上披袈裟裙裙結構上下面文手製不屬跣足項帶
紅綠珠襍海貝琿琿以爲勝在夷爲貴種虎土官
營長皆其類也土官服雖華不脫夷習土官婦纏頭
綵繪耳帶金銀大圈服兩截襟色錦綺以青段爲套
頭衣曳地尺許背披黑羊皮飾以金銀鈴索各營長
婦皆細衣短氍青布套頸其在曲靖者居深山雖高
岡碗籠亦力耕之種甜苦二豆自膳善畜馬牧養蓄
息器皿用竹篋木盃交易稱貨無書契刻木而指之

各藏其半相以丑戌日葬貴者累以半此賤者半庚
焚諸野而弃其灰在激江者能為乳酪襍糲糲糲于
市腥穢侏儒若鹿豕然在安寧祿豐多負鹽于途老
者任華人二人之力壯者任收牛之刀在磬嘉以策
草為衣加于氈毳大都性皆驚悍好攻掠不能割奪
則人弗以女妻之全滇郡邑所在為崇皆其成而武
定舊甸尤為兇頑鶴慶西十八村又號海西子亦其
種多暴蹙索青賓川州赤石崖螻蛄古底舊稱淵藪
萬曆初莫蕩以來底今西偏寧帖則用武之効也
撒彌攏攏男挽髮如髮長衣短棍布繫腰婦短衫五
色短裳渚池上諸州邑皆有之拙於治生無盜賊居

山者耕瘠土販薪于市終歲勤勤濱水者浮家捕魚
僅能自給

撒完羅擺居蒙自縣明月諸村在黑白二種之外勤
于耕作捕食虫豸及鼠類而甘之

阿者羅擺衣服大畧與黑羅同婚喪如白羅但耳環
獨大在東編則江川通海諸邑有之西則賓川有之
通海者婚以牛為聘婿親負女而歸耕山捕獵性好
遷徙則諸處畧同耳

魯屋羅擺服飾大類黑羅而又別為一種恃矛盾之
利性尤犂悍好馳馬縱獵獨臨安府魯郭村有之
乾羅羅昏嫁尚倭諸種人所不及喪以牛皮裹屍束

錦而衣之以薪每食揮筋飯中仰天而視以為報本
好勇喜鬪殺人償之以財有讐惡雖父子兄弟推刃
不顧多不通華言官府文書必書蠻字手後乃知遵
信其種類在曲靖尋甸二郡凡哨隘設兵多以其種
歲終遍索鄉民雞豚酒米謂之年例飽其欲則一村
無虞不爾輒勾東川夷劫掠近歲武尋大擾為鄉導
者皆此曹也食貨貴鹽蒜得大許以為上味居深山
者或沒齒不知作鹹焉

妙羅羅皆土酋官舍之裔或稱大頭或稱營長或稱
官奴與黑白諸種迥異珥圓環常服用梭羅布婦女
衣胷背粧花前不掩脰後常曳地衣邊彎曲如旗尾

無襟帶上作井口自頸籠罩而下桶帛細褶種在阿
迷州為諸種所敬憚有喪則闔寨皆醜金為助
其在蒙化麗江鶴慶騰越楚雄姚安亦佐新興北勝
王弄山者不著其種彙止曰羅羅所居茅舍中堂作
火爐父手婦姑圍爐而卧懼筆撻而不畏死祭以羊
豕捶死不殺姚安者性狡悍好為盜賊新興者瘠昌
明里力田為生騰越者專資射獵北勝又有號裸羅
者與四川建昌諸裸同類純服氍毹男女俱跣足每
至路歌為樂則着皮屨男吹蘆笙女衣緋衣跳舞而
歌各有其拍在順州又稱羅落蠻男鵲帽襖積衣婦
三尖冠以樵采耕藝為事在新化州又稱白腳羅羅

以白布束其脛故名

羅婆本武定種古因以為郡名又稱羅武元時羅武蠻羅慄百歲厄弱子孫以醜累送之深箐後生尾長一二寸相傳三百歲今俗又稱羅子楚雄姚安永寧羅次皆有之男子髻束高頂戴笠披氍毹衣大草布其草得於山中緝而織之粗惡而堅緻或市之者域為囊橐以盛米貝婦女辮髮兩絡垂肩上襟以琿瑤纓絡方領黑衣長裙跣足居山林高阜牧養為業有房屋無床榻以松葉藉地而臥昏姻慶事結松棚為宴會葬用火化腰刀長槍行任不釋嗜酒酣鬪技滑難

治

摩察黑羅之別類在大理蒙化執木弓葉矢遇鳥獸射無不獲所逢必刳遇強則拒在武定一曰木察稍習桑善巢居深山捕攸狸松鼠而食之

焚夷

種在黑水之外今稱百夷蓋聲相近而訛也性耐暑熱居多卑濕棘下故从棘从人滇之西南曠遠緬平濱海多濕焚夷宅之其種數十風俗稍別名號亦殊其俗稱宣慰曰昭華言主人也其官屬有叨孟昭錄昭綱遞相臣屬叨孟總統政事兼領軍民多者數十萬少不下數萬昭錄亦萬餘人賞罰皆任其意昭綱千人遞減至十人又有昭錄遇調遣統數千人以行

其近侍名立者亦願數百戶皆聽其使令食其貲取
用無制節上下僭奢微名薄職輒繫釵花金銀寶帶
官民皆冠簪葉累金玉諸寶為高頂上懸小金鈴遍
挿翠花翎毛後垂紅纓貴者衣紵絲綾錦以金花金
鈿飾之以坐象為貴十數銀境為給銀鈴銀釘為緣
象鞍三面以鐵為欄藉重裯懸銅鈴鞍後象奴一人
銅帽花裳執長鈎制象為疾徐之節招搖于道相見
合掌為敬長于己者則跪拜有所論則叩頭受之雖
貴為叨孟見宣慰莫敢仰視凡有問對則膝行而前
三步一拜退亦如之賤見貴少見長皆然侍貴人之
側或過其前必躬身而趨筵宴則貴人上坐僚屬側

投以次列坐于下有客十人則合十人舉盃齊行十
客之酒酒初行樂作一人大呼一聲衆人和之如此
者三既就坐先進飯次具醪饌有羹食不用筯每客
一卒跪座側持水甌盞悅凡物必祭而後食樂有三
曰瑟夷樂緬樂車里樂瑟夷樂者摩漢人所作箏笛
胡琴響琰之類而歌中國之曲緬樂者緬人所作排
簫琵琶之類作則衆皆拍手而和車里樂者車里人
所作以羊皮為三五長鼓以手拍之間以銅鏡銅鼓
拍板與中國僧道之樂無異鄉村燕飲則擊大鼓吹
蘆笙舞牌為樂無中國文字小事則刻竹木為契始
期不契大事書緬字為檄無文案城池因高山為砦

無倉廩祖賦每秋冬遣親信往各旬計房屋徵金銀
謂之取差後每屋一椽輸銀一兩或二兩承使役
者衆馬動于千百計恣其所取而後輸于公家其法
殺人與姦者皆死竊盜一家皆死為寇盜一利皆死
道不拾遺軍民無定籍每三五人充軍一人正軍謂
之背刺猶中國言壯士背刺持兵器餘負荷器械每
二十萬戰者不滿十萬師行軍在前酋長在中鉤鎖
抵後先進後退不一而號令不紊倚象為聲勢每戰
以繩自縛象上悍而無謀鉅桑為弩草為胄銅鐵雜
草為函勝則驕惰負功負則逃竄山谷驛路無郵傳
一里半里許構一小草樓五八守之千里有報聞在

旦夕公廨與民居無異雖宣慰亦止竹樓數十間上
覆以茅用陶瓦者既有大災民間器皿多以陶缶孟
貝等處則有漆器甚精其所用金銀琉璃琉璃等
其下亦以金銀為之凡一頭日出衆馬兵衣及衣榻
器皿僕妾財寶之類皆從動輒數百人隨處宴樂亦
民苦之男貴女賤雖小民視其妻如奴僕耕織貿易
徭役皆婦人任之非疾病誰老不得少息几妻生子
貴者以水浴于家賤者浴于河三日後以子授其夫
耕織自若頭目之妻百數婢亦數百人少者數十歲
民亦數十妻無妬忌之嫌舊俗不重處女如江漢游
女之習及笄始禁足今則此俗漸革矣孟定南甸男

長衫寬襦無裾隴川猛密孟養俱短衫小袖有裾官
民皆髡首黥足有不髡則首長我之不黥足象皆嗤
之曰婦人也婦人縮獨髻腦後以白布裹之窄袖白
布衫卑布桶帛貴者錦繡白行纏跣足凡子弟有職
名則受艾兄跪拜人死用婦人祝于屍前親鄰相聚
少年百數人飲酒作樂歌舞達旦謂之娛屍婦人群
聚擊碓杵為戲數日而後葬葬則親者一人持火及
刃前導至葬所以執數片瘞之其人生平所用器皿
甲冑戈盾皆壞之懸于墓側是後絕無祭掃之禮
其在祿豐羅次元謀者男戴黑布帽窄袖白衫白布
扁帽桶帛好樓居金甌俱以陶瓦金漆中而寬邊扶

類律並俗尚奢後孟春作土主會稱費以炫其飾倍
出息墳人不惜文有數體會男女雜坐信鬼好訟見
人多所忌諱掘屍焚蝦蟆以敬賓客葬有棺而衣衰
戚

在越州衛者號白脚焚夷男婦俱短衣長裳蕪齒交
身戴笠號足

在江川路南者構竹樓臨水而居樓之下以畜牛馬
婦人耳帶大環婚禮用大牢祭以羊知蠶桑勤耕
織性柔畏法度見人退讓

在臨安者男青白脫纏頭着草履衣有襍積婦太白
脫束髮纏疊如柳螺好鬼喜浴極寒猶然出居構草

樓家人狎處稍以帷帳間其卧具喪衣緋架木置屍其上弔者各散紅布段一方召拜禡誦夷經三日以竹簾累而舁之山妻不更嫁名曰鬼妻其食糲黍蚶蚶蒙自者揮雞尾竺端出則捕獵居則紡績阿迷者為鎮莊佃民習同蒲人新化納樓溪處大畧皆同十八寨者性儉好殺畜蠱餌毒捕魚食鼠焚骨而葬又有髡者曰先頸百夷蓋習車里之俗頸上黥刺月牙所謂雕題也見官府盤膝坐舉手加額為敬男女先通而後聚葬不復顧或夢亡者昧爽至塚者設一石祝之曰勿使返也

在順寧者冠玄而銳其頂珥環踏屨好衣素婚聘用

牛貧不能具者傭女家三年喪有棺歛封藏以石為人田作道以桑勝

在劍川者言語侏儻所居瘴厲棺如馬槽而食之習緬字器用粗磁

在鎮南者男子短衣婦桶裙跣足婚禮夷歌侑飲人死令親者提刀屍傍晝夜守之親朋必絮酒奠提刀人呼死者之名灌諸口中如是三日而葬每村植樹以為神未月念四日集衆燃炬諱而賽神所居在巔之巔

在姚安者亦濱水好浴腰繫竹籠捕虫魚動物入籠中為醢昏用牛羊至女家以水潑女足為定擇棄為

犬頂帽檀土布羊毛之利

在元江若能為鬼魅以一帚繫衣後即變形為象馬
猪羊猫犬立通衢或直衝行人稍畏避之即為祈魃
八服中食其五臟易之以土昔有客言曾臥病鑿無
効禱于大士夢好女子于其脇下出八小兒漸成老
人女子叱之乃去病遂已知者遇前物以一手捉之
一手從拳痛挫之必還後為人奪其帚而縻之哀求
以冢資之半丐脫食中多置毒藥中之必不治佑客
娶妻女者欲出必問還期或一二年或三四年女即
以毒餌之如期至更以藥餌救亦無他若不爾必毒
發而死其所許還期即死日也與外人交易償約失

信及私窺其妻女者必毒之信實朴厚者累出入亦無傷其他身膏原野不可計數地產攢拂種蒔如中國農桑葩時殺大酒血汗樹乃成實估人出之多厚利故馳走如鶩戰恃象馬大銃然兵皆脆弱不能樹陷微發買羅夷為助

白人

右白國之支流也舊說楚為白遂稱其一類實不相通滇郡及迤西諸群強半有之習俗與華人不甚遠上者能讀書其他力田務本或服役公府庶幾一變至道者矣

番特

以漁為業性耐寒多無衣以敗網蔽身舟不盈丈而
炊爨牲畜資生之其咸備又有泗水捕魚者丹鬚蓬
髮竟日水中與波俱起口嚙手捉皆巨魚真池旁碧
鰭山下其類千餘乘風揚帆所居無定名隸有司之
籍而徵呼徭役多不能及里胥恒代償之

高泥

或曰幹泥男珥環跣足婦花布衫以紅白綿繩辨髮
數綰續海貝襟珠盤旋為螺髻穿青黃珠垂胸為絡
裳無襷積紅黑紗縷相間襟飾其左右既適人則以
簾束膝下為識娶婦數年無子則出之喪無棺弔者
擊鑼鼓搖鈴頭挿雞尾跳舞名曰洗鬼忽決忽飲三

日未松為架焚而葬其骨祭用牛羊擲廚環歌拊掌
踏足以錐鑿蘆笙為樂食無箴以手搏餒勤耕畜用
積貝一百二十索為一害厄則囁其子我生乎藏貝
若干矢汝取某處窖中餘留為來生用臨窆即屬雞
及左能窳恩陀溪處落恐諸長官司景東越州皆解
之碣嘉縣文曰和泥男子剪髮齊肩衣不掩脛飲酒
以一人吹蘆笙為首男女連手周旋跳舞為樂死以
雌雄衣各一殉葬阿達州稱阿泥鄧川州稱飛泥

梅雞

蓬首椎結標以雞羽形貌醜惡婦女尤甚挽髻如角
向前衣文繡短不過腹項垂纓絡飾其胸遷裝異常

居多用竹屋耕山食蔞時暇則射獵捕食據狙佩利
刀負強弩毒矢伺隙剽肉飄忽難禦性狠惡父子兄
弟怨則相殺轄於寧州及王弄山時為崇迤東

撲喇

婦喪與擺擺同而語言不通蓬首跣足衣無洗濯卧
具簾牛皮覆以羊革氍毹在寧州昔強悍專務標掠
石屏州昔良善畏法為編民在王弄山者一名馬喇
肯褲雞羽紅經白綿衣婦衣白罽山種木綿為紫
磨此

唐書稱磨蠻此蠻與施頤二蠻皆烏蠻種居鐵橋大
浦女小要三探覽昆池等州今麗江之夷總稱度此而

光勝順州祿豐亦皆有其類俗不煩澤自古已然男
子髮梳二縷以繩纏之耳戴綠珠婦人布冠好畜牛
羊產麝香名馬能製堅刃利刃勇厲善騎射挾短刀
以琰琛為飾少不如意鳴鉦鼓相讐殺婦女拔場和
解乃罷俗儉約飲食疏薄歲暮競殺牛羊相邀請十
客不至則為深恥正月五日登山祭天人死以竹簣
舁至山下無貴賤皆焚之

方此

惟雲龍州有之男囚首跣足衣麻布直撒衣襟以氍
衫以氍為帶束其腰婦女裹白麻布衣善用弩發無
虛矢每令其婦負小木有徑三四寸者前行自後發

弩中其者而婦人無傷以此制伏西番

西番

永寧北勝浪蕩凡在金沙江北者皆是辮髮襟以瑪瑙銅珠為綴三年一櫛之衣襟布革腰束文花毳帶投琵琶氍富者至二三頃暑熱不去佳山腰以板覆屋俗尚勇力善射和酥酪于茶有緬字經以葉書之祀神逐鬼取而誦為厭勝性最暴悍隨畜遷徙又有野西番者倏去倏來尤不可制

古宗

西蕃之別種滇之西北與吐番接壤流入境內麗江鶴慶皆間有之男子辮髮有縷披垂前後經年不櫛

沐栴必以牝豕披長氈裳以繫牛或羊尾織之婦人
青白磁珠與珠璣相襍懸于首其食生肉蔓菁薤穉
怒人

男子髮用繩束高七八寸婦人結帊于髮其俗大抵
剛狠好殺餘與唐些同惟麗江有之

吐蘇

在楚雄郭雪山居於山巔無陶瓦木片覆屋耕山種
蕨麥履布衣器以木櫬錫為飾新化州亦有之又
種白山蘇

土人

在武定府境男衣絮襖腰束皮索饑則繫縛之繫木刀

弩婦衣絮染上披羊皮氍毹姻親多在姑舅間以牛
羊刀中為聘新婦披髮見舅姑性剛劣不能華言畏
官府無訟有爭者告天黃沸湯投物以手捉之屈則
糜爛直者無恙耕田弋山寅午戌日入城交易

土療

其屬木在蜀黔西粵之交流入滇亦處處有之而石
屏峨峨路南較夥男子首裹青脫服白麻衣願上綴
紅布一方婦人冠紅巾衣花繡臂背衣性悍疾峨峨
者樵蘇自給路南者為人佃種屋廬與焚人同新興
昔居西山之麓服食昏喪習同白獮以孟冬朔日為
歲首

蒲人

即古百濮周書與微盧彭俱稱西人春秋傳與巴莢
鄒並為南土本在永昌西南微水訛濮為蒲有因以
名其地昔若蒲縹蒲于之類是也男累青紅布手頭
繫青綠小絲繩多為貴賤者則無之衣花套長衣藤
下繫黑藤數遭婦人挽髻腦後頭帶青綠珠以花巾
圍腰為帛上繫海貝十數圍繫莎羅布于肩上永昌
鳳溪施甸及十五喧二十八寨皆其種勤力耕鋤枝
踰登山疾趨飛鳥舊時有事多資其力今漸弱而貧
失其流入新興祿豐阿迷鎮南者形質純黑椎結號
足套頸短衣手銅鐲耳銅圈帶刀弩長牌飾以黑漆

上挿孔雀尾婦女髻骨簪以絲象織紫染短裳綠以
彩色婚令女擇配葬用莎羅栢裹屍而焚之不知荷
擔以竹簾負背上或傍水居不畏深淵能浮以渡在
家自及教化三部十八案皆號野蕭禁鷙甚諸夷在
景東者淳朴務農在順寧沿蘭滄江居者號普蠻亦
曰撲子蠻性尤悍惡端為盜賊不鞍而騎徒跣短甲
不蔽頸膝馳突迅疾善用槍弩男子以栢二幅縫合
掛身無襟袂領緣婦人織紅黑栢搭于右肩穿左脇
而收于胸別以栢一幅蔽腰見人不知拜跪寢無衾
榻拳屈而臥

蠻人

其種在廣南習俗大畧與楚夷同其酋為儂智高裔
部夷亦因號儂樓居無几甃席地而坐脫屣梯下而
後登甘大嗜鼠婦人衣短衣長裙男子首裹青花帨
衣袒布如締長技在銃蓋得之夷際者刀背槍甲寢
處不離曰事戰鬪王弄山教化三部亦有之蓋廣南
之流也

沙人

習俗多同儂人慄勁過之在廣西者屬于瓏水在富
州者屬于李氏泯水繼摩水下地連閩諸酋互爭必
強力相兼并又有青龍六詔者掙搏尤甚地產美核
定懸若干丈間伐之多無全村其堅逾蜀產羅華州

亦有沙人器用木骨喪以牛為禮

竭此子

種出迤西孟養流入騰越環脹烏啄耳帶大環無衣
遮膝下布一幅米肉不烹而食勇健執槍刀敢戰喊
聲如吹火

我昌

一名何昌性畏暑濕好居高山刀耕火種形貌紫黑
婦女以紅藤為腰飾祭之以火占用竹三十三根略如
筓法嗜酒負擔弗擇汗穢覓禽獸虫豸皆生噉之米
野葛為衣無酋長謀處山谷聽上司役屬今永昌羅
古羅板羅明三寨皆其種父兄死則妻其母嫂近有

羅叔寨百夫長早正死其妻方艾自矢不失節遂賊而死其俗漸革

縹人

婦女以白布裹頭短衫露其腹以紅藤纏之茨羅布為裙上短下長男女同畊

哈喇

男女色深黑不知盡擗男子花布套衣婦人紅黑藤纏腰數十圍產子以竹兜盛之負于背又有古喇男女黑色尤甚種類略同哈杜亦類哈喇居山言語不通略似人形爾

緬人

有數種曰老誦曰得楞子曰阿瓦如猛別雅會普蘇
洞吾擺古皆其類大抵各以其地得名性貪利好鬪
食不用匙筋交兵長于鳥銃其火藥必得中國來麪
傳之其發乃迅疾且無聲但其法秘不傳耳俗好佛
男婦俱以布繫其首色黑頰哈喇擺古寂遠而強

結堂

以象牙為大環從耳尖穿至頰以紅花布一大許裹
頭而垂帶于後衣半身衫袒其右肩

選些

諸髮為髻男女皆貫耳佩環性喜華彩衣僅盤施蔽
體飲食精潔戰鬪長于弓矢倚恃象銳稍與緬同孟

食一帶多其種類

地羊鬼

短髮黃眼性好咬嗜利出沒不常與人相讐能用器物行妖術易其肝膽心腎為木石不救以死又行蟲飲食中如元江所為

野人

居無屋廬夜宿于樹巔赤髮黃睛以樹皮為衣毛布掩其膝下首戴骨圈挿雞尾纏紅藤執鈎刃木刀採捕禽獸茹毛飲血食蛇鼠性至兇悍登高涉險如飛逢人即殺在茶山里麻之外去騰越千餘里無酋長約束二長官為所戕賊避之真難關內舊志稱尋甸

崑谷野蠻以木皮蔽其身形醜惡男少女多持木
弓以禦侵暴不事農畝採山中草木及動物而食無
器皿以芭蕉葉藉之今尋甸實無此種考唐書稱閣
羅鳳降尋甸蠻其西有裸蠻亦曰野蠻漫散山中無
君長婦或十或五共養一男子舊志或本于此然尋
甸與驃國同降閣羅鳳驃國即緬也而野蠻又在其
西其非尋甸可知又粵西徠人居深山食無金甌以
竹節煮米縛而焚之竹爆而炊熟採蜈蚣蛇虫雜食
之謂為嘉僊其餘與前畧同間有流入廣南者豈先
時亦流入尋甸今屢用兵其地遂無噍類乎併記之

刺記

其類在教化三部

前北谷八喇吾人此道其策慈八喇魯

具莊新北洲

阿威

在呈弄山

緬甸海來

緬為滇病久矣荷戈戍士聚而糜餉若陸海馬道
遼儲于蜀門算圭田于并流又不足而屢徵米以
騷然煩費皆緬故之以也故開府陳公用賓填滇
十六年拮据惟西偏是編多其事中有功不敵
罪得其償失者不敢苟從同同階加筆削俾成信
史焉噫陳公盡力數外而賊起近知焦爛莫救豈
其志近憂而弘遠畧蓋患常發于所忽類若此今
西南未息肩而東北又甚焉甚堪此重弊乎議者
欲弭兵西南顧事東北而不能保耽耽者之不控
掣我也語曰雖有絲麻無棄管蒯宜是編之存而

勿削矣夫

緬人古朱波也漢通西南夷後謂之暹唐謂之驃宋元謂之緬逮我

明立為緬甸宣慰司自永昌西南山川延邈道理阻修因名曰緬漢和帝永元五年正月永昌徵冰蠻及掸國王雍繇調遣重譯奉珍寶賜以金印紫綬小尹長皆加印綬錢常安帝永寧元年掸國遣使朝貢獻樂及幻人能變化吐火自支解跳丸者諫議大夫陳禪諫曰帝王之度不宜作夷狄之樂請勿觀帝不從遂作樂封繇調為漢都尉唐德宗十八年驃國王雍羌聞南詔歸唐有內附心遣其弟志利移來朝獻

國樂凡十典與樂工三十五其曲皆演梵音經論
詞意每為曲聲聲一依一仰未嘗不相對凡五譯而
至中國憲宗元和元年驃國遣使貢方物文宗太和
六年南詔掠驃民遷之拓東懿宗咸通三年驃國遣
使來貢宋徽宗崇寧四年緬甸崑崙波斯等國進白
象一羣明年蒲甘入貢高宗紹興間俱來貢元世祖
至元五年命愛魯施緬甸道擊之斬首千餘級至正
戊子麓川路土官思可侵鄰境命塔失把都魯為帥
討之不克賊乘勝遂併吞諸國懼再伐人乃遣子滿
散八朝其後叛服不常至洪武十六年

天兵南下滿散之子思倫猶負固不服總兵官傅友

德永英遣節校郭均美往送招徠方內附十七年置
平緬麓川軍民宣慰使司授倫為宣慰使置大公有
於江頭城南二十一年正月思倫復叛併吞孟定孟
良孟養戛里潯通東川老部廣西等府出他郎甸之
摩沙勒沐英遣節指揮甯正擊破之賊復悉衆三十
萬衆百隻寇定邊英率選鋒二萬擊之迭戰而翼以
砲銃衆奔賊大敗斬首三萬生俘萬餘獲衆四十七
隻二十二年倫

懼進象貢方物謝罪降二十六年緬酋南達來

朝貢於京師二十七年六月始羅緬甸宣慰司以其
長普刺浪為宣慰賜鈐錠羅綺各有差二十九年普

制浪遠使來告思倫侵境事

上命所入錢古訓李思聰齋詔諭之思倫懼謝罪永
樂元年十月緬甸貢慰那羅塔遣使來

朝貢方物詔定平緬木邦孟養緬甸八百車里老撾
大古喇底馬撒靖定十宣慰司三年四月緬甸來貢
方物九月始給平緬等宣慰各表金牌信符批文底
簿

命中官楊瑄

詔諭古喇緬甸諸夷七月那羅塔復謝

恩八貢四年緬甸與孟養宣慰刀木旦繼殺

上聞遣行人張洪持節往諭至其境諭以中國大禮

呼宣慰而下北固受

叛款其擅授勅境罪那羅塔遣使乞宥許之十五年
建緬甸龍宣德五年六月麓川思任及緬甸恭得喇
各遣使上言木邦罕門占據其地

上命黔國公沐晟內官雲仙諭之退地八年麓川思
任屠騰衝據落江自稱曰法正統四年以黔國公沐
晟都督方政沐昂往征一軍皆覆政陣亡士民哀之
抵聞晟自毒廷議請棄麓川地不報六年正月

命定西侯蔣貴尚書王驥等率京營川湖兩廣兵三
十萬討之十月思任敗父子乘舟走緬甸驥班師七
年思任震出為寇再遣貴驥率師以行驥遣使諭緬

甸酋卜刺浪送思任父子卜刺浪不遣驥乃進兵緬甸使來索金幣土地欲以重臣往取仕驥難之時郭懿請行繇金沙入緬不十日至其國卜刺浪來會頗驕蹇登折之緬氣阻乃以董雅叩頭聽命卜刺浪見登亦稽首十二月登至自緬其國相緬刺劄以思任載登接船來獻時有疾登功首乃議留登守沙壩刺劄至貢章不見登遲疑不獻驥謂貴曰此紿我過江則絕我歸路也裨將陳儀自訖知天文以為蔑惑祀輿鬼緬可伐欲以賞致緬焚其舟大戰一晝夜我師敗績刺劄竟持思任去貴子雄追之復敗自刎餘衆陷于江十年待卽楊寧侯遣使許以孟養之地易

思任卜剌浪喜乃獻思任首級并妻子賊徒板賽等
至軍門驥以下剌浪長子輿起希為宣撫而思任二
子思機思卜皆遁居孟養十三年獲

命驥并都督高聚率師討之破其鬼哭山機卜復遁
入緬師還羣夷復擁機幼子思棟致思祿言願立思
代永徵差發驥立石為誓而許之遂班師洪治元年
正月緬甸來貢且言交趾侵其境二年遣編修劉戡
使交趾諭罷其兵正德間緬甸孟養互爭地各遣使
上聞孟養以緬先報思任於

朝廷也故悉緬嘉靖初孟養頭目思倫糾木邦宣慰
罕烈發兵襲擊緬甸大破之虜其宣慰蘇紀歲并其

妻子殺掠無算遂以分其地時有齎金牌信符千戶
曹義亦為所殺七年緬甸以殺掠占據情赴闕

上命鎮巡遣官往勘乃以永昌府知府嚴時泰衛指
揮王訓往諸夷不聽又值安鳳之變不服及緬事矣
嘉靖十三年以諸夷教與緬搆乃添設永昌府同知
職專撫夷二十七年木邦宣慰罕拔與隴川宣撫多
士寧讐殺遣指揮路致萬撫之歸言今緬夷酋名瑞
赫剌霸擺古有吞併之志云擺古即古喇宣慰司也
隴川多士寧獲一緬僧貌修偉自云我緬甸宣慰莽
紀歲幼子昔避孟養木邦之難久寓占域暹羅今欲

至中國見

天皇帝未復官職士寧止之不聽遣人導至洛江濱
潛匿其地以爲沮關無船不可渡僧悵然而歸嘉靖
三十三年有馬華天部落號得楞子首其酋名排來
魁弟爭國構兵瑞骸爲之和釋兄弟感之因氣瑞骸
爲長讓居馬華瑞骸部署其衆絕排來兄弟糧道歸
路窮下相救而死遂盡有其地又得緬僧以異術佐
霸其衆樹海岡七十自樹衆服之尊爲金接白象主
祇達喇哩喇若華言公道主人也時伍密酋思漢子
思奔思搆相爭奔訴瑞骸瑞體衆亂殺思奔爲立思
漢次子思琢假途于琢以掠孟養即留夷目卓吉守
之未幾卓言爲奔督猛乃酋別混所殺瑞骸破猛乃

執別提三十九年總兵沐朝弼巡撫游居敬主言瑞
猷侵轍却境當預防內侵特兵書楊博知緬事悉覆
坦題議自是滇始于蠻哈設兵各春防緬隆慶元年
藩司差指揮陳應繡十戶潘應爵買象于猛密其酋
思哲送二并于瑞猷時瑞猷方侵車里以次棘錫之
後勝回乃遣還二年木邦土舍罕拔遣使告襲職有
索賂者以兵備遲疑對夷使歸報拔拔怒與弟罕章
集兵截旅途經年下令漢人通後乏監求于瑞猷瑞
猷覬海監五千簦蓋威緬而惠中國遂携金寶象馬
詣瑞猷致謝瑞猷見拔歡甚贈以寶幣緬譯白象蜀
錦珍寶香藥甚多遣兵護之出疆遂約為父子時有

官府只愛一張紙打失地方二千里之謠洛江安撫
使線貴聞拔懿緬惠不賞也拔瑞体日津津洩中國
之虛實教以辰鄰由侵瑞体割兩岡地與之責因遣
使召隴川參士寧士寧知順逆乃宣

天朝威德聚米為堆百餘譬中國幅員之廣如雲南
其百一也發所轄特并一耳幸勿妄動瑞体念頗寢
士寧歸遇貴于江許責其負國故蒙拔隴川直指揮
方謙率兵戍守蠻哈士寧語謚曰亦知瑞体之策否
上策走罕拔錄木邦樹順蒙走滄洱中策走木邦背
順蒙趨老姚施甸可唾手取永騰蠻哈區區之隘可
恃必振緬手謚然然士寧死于崖宣撫刀怕舉亦死

罕拔與怕舉雖親而有隙聞怕舉死言于瑞体請襲
干崖隴川無主必聞風扇附拔願為前驅瑞体卜于
緬僧欲從之其子應裡悍而多智言于瑞体曰隴川
干崖雖云無主路遠難以徑取俟有內隙可一鼓下
之迤西思箇地廣兵強為我世讐每欲乘我出襲我
倘我兵遠事隴川拔以重兵順流南下被擄非細莫
如稍助拔兵聽其自取干崖則成敗不在我且迤西
木邦在我肘腋若迤西不為我有安能出三宣內侵
永騰耶瑞体然之惜拔兵一萬全拔取干隴乃自率
兵侵迤西要為思箇所敗箇亦退保箇相持不決
隴川目岳鳳見其主幼陰欲據其地乃齎重賄投拜

瑞體為父事之內侵瑞休因調緬兵萬餘為疑兵出
入于緬甸迤西疆上牽制思簡復據罕拔與會隴川
岳鳳亦集兵數千屯麓川東岸聲言捍緬而陰治牛
酒先候迎犒蠻莫頭目思哲亦迎降之瑞休納為義
子萬曆元年拔及鳳屢導瑞休侵三宣隴川首被禍
罕拔下交懷印信賜二子多忠多孝二女及姪罕朝
光澄孫永昌當事者令罕拔挈印子歸隴川鳳見罕
拔歸遣書給罕拔謂罕拔携朝光往永昌者為爭汝
官耳鳳請為汝除罕拔朝光以去禍根拔甚喜過令
罕章罕難等率夷緬兵五十夜襲隴川罕拔聞變挈手
二女走遁田中賊斬罕拔右臂而死朝光亦被殺二

女滿于緬多氏族屬殘滅殆盡印為鳳得又受緬鐸
遂懷麗川三年偽為錦囊象函書具葉緬文稱西南
金樓白象王莽噤喇弄王書報

大皇帝地方無事云云中皆說情悔辭鳳又與拔哲
定盟必執思渾下猛密承瑞體以拒中國瑞體遣子
應禪喇頗率衆二十萬分戍隴干間罕拔恃緬勢召
刀怕舉弟怕文曰汝嫂我妹也吾欲妻汝并汝兄宣
撫皆為汝襲可據干崖以臣緬怕文挾二子奔同知
薛衛守將李騰霄言拔欲怕文背漢事緬娶嫂滅姪
無天理語怕文世受國恩焉肯從之願與戰次日方
戰緬兵大至遂潰奔永昌姪怕文寄食潞江薛衛騰

賈避羅下思莊獲取于崖印令罕氏牧掌且與緬羅
我其臣緬文臣益達副使乃思官雷昇經歷廖元相
與給以勅策符令佐罕氏守于崖以防中國四年緬
大發兵攻迤西失利敗退先是全騰兵備副使許大
琦每憤諸夷附緬且恃緬恐中國乃遣指揮侯度持
檄招諭至迤西頭目思箇得檄從違未決乃刻木二
一書

天皇帝號一書恭瑞體號率衆拜之乃卜乃卜則
天皇帝若卓立几上恭瑞體傾墜于地繇是決意向
中國瑞體惡其倡諸夷向中國耳世讐也故先兵之
思箇亟急適天琦已卒署事者副使羅汝芳詢之乃

象犒來使更給空頭劄付約事成官以世職令先回
以待我援援陰募慣入夷緬商人錫之金繒令往緬
地默探其山川道理兵馬糧儲又歡迎緬諸夷說其
向漢依期援迤西久之諜者至盡得緬情乃檄調漢
土兵馬赴援十二月師至騰越思箇聞援兵將至甚
喜潛令頭目烏祿刺送領兵萬餘於阿瓦地絕緬糧
道方督大兵伏于戛撒險隘處誘緬兵入截其歸路
而坐困之請令援兵自隴川進其後迤西兵衝其前
又令水兵開江中石閘以衝潰緬舟計定緬兵果入
戛撒思箇堅壁不與戰第令伏兵塞險隘絕糧運以
俟中國援兵至方首尾共擊之久之緬兵困久饑甚

以撮金易合未始屠象馬既剝樹皮掘草根軍中疫
作死者山積瑞體懼請與思箇和思箇不許復遣使
速援兵時近緬諸夷如景邁猛罕輩諸酋密受汝芳檄
者各調勁卒俟期共擊無何有入

賀行者恐為兵興阻移書同事合文止援汝芳不聽
彼知汝芳意銳仍合揭子巡撫以兵興禍連語怵之
乃馳檄亟止汝芳汝芳接檄憤恨投憤于地大罵而
罷思箇困緬月餘力亦疲且援兵不至遠近快快岳
鳳探知乃集隴川夷兵二千兼程極緬導之繇間道
遁去迤西緬走率衆退之且追且殺緬兵
還者十不一二自是瑞體忿讐迤西期必報之一時

士民以此為大失機會當路益抑談緬者五年陳直
捐文燧按滇得邊報銳意

上請經理然與時見相抵牾事亦寢六年遣使將迤
西所浮瑞體兵象甫以金幣諸物還瑞體使回緬不
稱謝七年永昌千戶辛鳳奉使買象於德密其酋思
混執鳳并軍伴舟送擺古瑞體遣使持檄柳葉緬文
逆伴鳳因言于瑞體復率兵象侵迤西思箇因中國
無援不支敗奔騰越中途為奴即節等執送瑞體不
屈遇害瑞體盡掇迤西目民奔永昌稍安置于內地
八年巡撫饒仁侃遣舌人李阿烏諭緬甸阿為至擺
古見瑞體道

皇帝威德不侵緬地瑞體唯唯又語以蔣定西王靖
遠征麓川事瑞體有語阿烏又言罕岳幾緬王擾漢
地瑞體佯應曰我不知也居旬日趣阿烏還十年岳
鳳頤緬兵襲破新巖土婦罕氏降於緬是年瑞體死
子應裡嗣尤伎諸險詐善用兵瑞體併鄰拓地及其
謀力是年岳鳳執應放頭目刀落恩送應裡又族應
裡殺罕伎時拔有子名進忠應裡欲併其地遣弟應
龍伐之時米邦有孽子罕鳳降于應裡耿馬有舍人
罕慶與罕鳳謀擒進忠共率兵從應龍以灣甸州景
宗真為鄉導進進忠進忠倉皇挈妻子絕喳哩江奔
內地兵衆從者不下十餘悉俘于緬應裡分其地以

處他酋應龍驕進忠遂入姚關十一年正月朔焚掠
施甸剖孕婦以卜男冠永昌女冠順寧腰破得女乃
焚攻順寧府二月破猛林寨防守指揮吳繼勛千戶
初繼勛皆死之是冬應理攻蓋達副使刀思廷率兵
拒不敢進使求救不應糧盡援絕城破屠之思廷妻
孕族屬盡為所擄而干崖刀怕庚雷弄廖元伯南甸
刀洛運蓋遠刀思定皆擄去巡撫劉世曾巡按董裕
會疏請兵將以南京坐營中軍劉綎為騰越遊擊移
武靖叅將鄧子龍為永昌叅將各提募兵五千副以
兵兵而應理亦西會緬甸孟養猛密蒙隴川兵于
猛卯東會車里八百孟艮木邦兵于猛炎復併聚入

他地闕平龍為曼靜持乃大破之于攀枝花地斬宗
興計擒度太子等破其灣甸耿馬地時分宗奉政姜
惟發指之力居然遮擊劉綎率兵出龍川猛密拒抵
阿瓦阿瓦頭目莽灼瑞體族弟也懼遂糾猛密思忠
蠻莫思順攻殺緬使詣綎請降稱款應裡聞灼未投
起兵破灼灼內奔行至曩朴寨病死先是灼有白象
一能決勝敗不棄每出兵咸問之瑞體嘗借以自隋
至應裡暇象不歸且欲害灼灼心寒因綎招之即降
燄灼死應裡以子乃萬改名思斗莽肘者據守阿瓦
綎以約鳳有心計欲厚結之使為用當路者促綎綎
不得已乃擒鳳及其子曩烏目把莽麼啞曼得皮等

俘解京師是時本邦罕鳳迤西思義俱殺緬使詣緬
降進忠亦集其餘衆來奔乃募進忠于內地夷緬畏
緬望風內附者踵至猛密安撫平舍舍思混遣弟思
他送象及獻緬偽印來降初緬許岳鳳以不死故諸
夷爭降後聞鳳就擒猛密思忠懼復率錫波思哥投
應裡竟死緬中迤西屬部有密堵送連二城皆頻金
沙近阿瓦父為緬據迤西酋長思威既款寨乃提兵
至二城其部目言願服緬力不勝耳今宜歸故主十
四年應裡徵二城兵不應應裡怒攻破之以多曩長
散釋率兵屯守十五年思威糾思化思順各土兵又
求助于我以復二城遂擊劉天降令募兵五百往助

之緬見以為漢兵大至驚潰威乘勝斬緬千餘人并
其城之從緬者陣斬緬目多最長而散譯奔阿瓦威
復二城金騰兵臨按察使李林謂功級多宜上聞事
臣蘇直指鄭霞霞謂功級非實建林天擢等繫獄十
八年十月思順亦投緬初

朝命以思忠等歸義以猛密思忠思順宣撫使猛哈思
化陞同知勳莫思順陞安撫使如邊臣之議也此
欽頒符信至日而思忠思順等已復投緬乃以忠母
罕烘順母罕送各代子領該司印九月應裡報猛廣
之悉兵加猛密烘不能拒率其孫思禮思仁奔猛廣
而猛密失思化思豪奔蠻莫順母送謂蠻莫係猛密

驍地見思化之未憚而棄之與化挈子思華奔騰越
時有加兵問罪思化之議巡撫蕭彥密令撫夷同知
添文昌撫化文昌單騎入化量化稽顙聽命且云奴
有助迺西殺緬賊功今無所歸願寄食于蠻莫從之
十七年孟養酋長思威死其子思明子思遠進象
牙方物

朝廷令遠爲孟養酋長十八年應裡報密堵送速之
怒進兵孟養遂破猛拱遠與子思昏會盞西應裡偽
署堵罕于孟養獲罕于猛拱十一月緬破猛廣罕烘
思禮與思忠妻耳線姑令隴川思仁奔雅益丙訓奔
上回猛廣亦失十九年應裡率猛別阿九糾堵罕獲

軍兵象園蠻莫思化來告急時鄧子龍亦聽勸奉檄
率兵至羅卜思莊緬聞之遽去他復還蠻莫六月應
禮遣使等毋海尋查齋貝葉緬文來求通撫遞給榜
文送緬使歸二十二年思任丙剏叛投緬思任思錦子
世仁悉嫂耳線姑因欲得之時線姑隨罕烘思礼嵩
隴川仁自雅益率兵象犯隴川擄線姑宣撫多思順
有憐弗克逞且懼中國問罪乃同丙剏奔緬應裡偽
立仁于猛密當事者移置罕烘思礼于芒市六月應
裡遣使擺線繇迤西齋貝葉緬釋招隴川于崖南甸
諸土司當道給緬使文告令之還九月應裡令阿瓦
迤西把蠻莫思化奔等練山叅將鄧子龍提兵營等

練緬兵屯遮邀子龍發兵擊之大戰于挫哈斬首百餘級把總李朝岳順戰死緬退屯沙洲我兵無船不能進相持彌月緬尋退去二十一年十二月應裡以允墨偽食蠻莫墨乃糾猛拱堵罕孟養堯罕猛密思仁兵號三十萬象百隻以普坎雍罕直即三鷺箇率衆擁送允墨據蠻莫及思化敗入即立九大營深溝高壘爲久駐計仍分道內犯一入遮放芒市一入臘撒蠻賴一入杉木籠並出隴川多思順不敵奔猛卯時巡撫陳用賓駐鎮永昌聞賊大入等練隴川乃分却以叅將王一麟奪等練中軍盧承爵出雷吟都指揮錢中選張先聲出蠻哈守備張光胤出打線一麟

擊其前承爵中選擊其左右賊救甚始以羸者兵數
 必飲馬江干而浴之前鋒者擊而得焉以聽聞屠數
 日又於一象馬數匹未我兵至擊而得之不以提聞
 緬兵退走遂復蠻莫我遂以賊為易與鼓行而前不
 知賊兵潛伏營于崖簪乘我兵過半賊衆湧出我兵
 被截時寧州目把者義領兵在行間挺身而前衆寡
 不敵後無援者者義單騎欲旋失道陷泥中為賊所
 殺前鋒既失利後二營相繼退奔監軍同知執允升
 救錢軍用百金買謀者晝伏夜行望等練諸山火光
 不息徐徐偵之蓋賊盡伐山木火焚其山乃知賊退
 還巢也因以提聞先是龍川多思順恨俺導緬殘龍

卽乃糾思化弁芒市多泰等擊俺殺俺子多荒俺益
怒之遂潛投木邦因之歸緬叅將吳顯忠屢招諭之
不聽十二月俺糾思仁丙測縣猛卯襲逃我兵戰
却之斬級百餘丙測遁是月用賓建築關堡興屯田
以禦緬緬知關堡不利數挽我興作巡撫陳用賓
脩文告遣閩人黃鑿使暹羅使與得楞內外夾擊緬
多俺自遮放敗遁不復歸猛卯而投木邦負隅於曩
義山殺天馬漢龍二關工役錄便道將歸緬文昌計
投木邦罕欽金擒之謀頗露俺欲奔擺石欽追及于
雷聳茂并其子多烘多曩面斬之生擒其子多騰滿
解滇緬因俺死遂寢寇我乘路云二十四年二月築

平麓城于插卯太興屯田先是遺事旁午餉費不貲
卽轉輸米石運價至十金而值不貲爲編氓鬻妻子
諸郡邑亦支故巡撫陳用賓親詣興屯然三宣之內
屬夷徭賦所出餘田無多阡陌膏腴初義以營兵往
屯非營兵而補屯者亦聽編氓取之必安之羨餉文
以餉值隨雜計石銀七錢秋成照值入庫計納公田
六半三年小成免其什一之賦三年大成始什一而
賦之然迄今亦以瘠惡屯者不能耕西偏諸兵庫公
帑如故其後徭蠻思化死其子思正得而募謀屢樹
怨于三宣阿瓦乘採井之隙擁衆十萬修怨于思正
率援次子益以木邦兵從之正入騰越阿瓦直逼內

地兵憐滌文昌殺正以說于緬其後用賓所遣使人
黃襲至暹羅暹羅與襲要約因發兵攻擺右壩其地
是後屢為暹羅得楞所攻疲于奔命不復內犯矣

外傳

外志以示鑒也有賢者以爲勸不賢者以爲戒亦
天下志書格例也舊志附官師卽此義志草附焉
賡登以敗類之禍多致邊釁故耶今仍之

漢劉安世建和間爲永昌太守嘗鑄黃金爲文蛇以
獻梁冀益州刺史种嵩糾發其奸不果獻冀恨嵩陷
以他事李固上疏伸理太后赦嵩免官行永昌以金
蛇輸官

蜀漢雍闓本益州大姓殺郡守鄭昂以附吳吳以爲
永昌太守闓性多傲慢煽惑諸夷建興二年春諸葛
亮南征討平之

朱襄朱提人以牂牁郡丞領太守在任恣睢諸葛亮
以初遭大喪未便加兵遣越嵩太守巴西龔祿住安
上縣遙領郡從事蜀郡常簡行部南入以都護李嚴
書曉雍闓閬答書傲慢頃至牂牁收郡主簿考訊姦
案因數傾為亂益州夷不服從閬閬使建寧孟獲說
夷叟曰官欲得烏狗三百頭膺前盡黑蝟腦三肘斷
木構三丈者三千枚汝能得不夷為然皆從閬斷木
堅剛性委曲高不致之太故獲以欺夷

張翼健為人蜀郡太守代李恢為庾降都督持法嚴
刻失部衆心夷帥劉胃乘為亂詔以馬忠代翼

晉杜俊巴西人建寧太守奪大姓先詵李叡部曲蔽

李猛弟功曹之賢不察舉而賂舉雷逢子炳為孝廉
其貪闇如此

雍約梓潼人朱提太守懦鈍無治政以賂成貪昧與
俊同

孟才晉元帝世為建寧太守以驕暴無恩郡民王清危郎逐
出之刺史王遜怒分邑半為平夷郡夜郎以南為夜郎郡四縣
戶奉南陽人大寧元年更為寧州刺史南夷較尉加
安西將軍威刑緩鈍政治不理

唐王昱劍南節度使玄宗開元十六年皮羅閣賂
昱求合太詔為一許之遣使冊為雲南王南詔之強
始此

張虔陀為雲南太守故事酋長謁都督挈妻子行閣
羅挈家至雲南虔陀皆私之復多徵求鳳熱及攻雲
南殺虔陀取夷州三十二陷雋州

鮮于仲通劍川節度使天寶十年討南詔戰于西洱
河仲通性褊急敗績大將王天運死之陷雲南都護
府閣羅鳳因僭號大蒙國

李泌天寶十三年為劍南留后希楊國忠首遣將兵
擊南詔為蒙氏所誘全軍皆沒以捷聞后屢發兵竟
不能剋前後死者二十萬人南詔自此與中國隔絕
矣

桂元顏文宗太和三年為西川節度使傲慢無礼南

詔豐佑上表請誅之詔貶頴為州司馬

李知古為節度使以重賦戮尸初四郡貢賦皆有定
則夷人悅服及知古至加賦一倍因誅其豪雋掠其
子女為奴婢羣蠻怨怒引吐蕃攻知古殺之于是姚
舊路絕

泚朝錢能成化初以太監鎮雲南貪黷無厭天墨于
諸夷時曩罕弄以猛密叛能索獲其賄若干遂令怙
恃縱橫盡奪木邦之地孟養思祿以祖母祿帶及諸
珍物餌能能召見設飲食與抗礼祿因跋扈輕漢官
焉詐使郭景喬錢當于交趾尋交人報謝為守邊者
廉得其狀撫臣王恕露章數其勾譽召亂景懼赴胥

井苑

程宗直諫常熟人成化初曩罕弄之殺為錢能所蔽
尋王舉繼能鎮復索寶石于猛密曩罕弄罵不與舉
遂疏其侵地罪狀請征之曩罕弄懼用江西逋商周
賓五之計齎重寶賂閹學萬安安許之遂授意宗往
撫猛密比至滇撫臣吳誠忠同年也言不可宗大怒
曰萬公甚廉汝敢復阻撓耶誠憂懣發疾卒宗乃偕
鎮守及三司往猛密翼曩罕弄出迎會所遣賄安使
歸已悉意指益篋篋不見宗且曰須坐講復曰我不
得遠涉須就我宗不得已至南禾山坐定互講良久
曩罕弄曰我猛密之于本邦猶大象之孕小象也今

小象長成軀倍大象寧能復入大象腹中乎宗濡忍
遂以木邦地畀之為設安撫司木邦人訴宗輒笞辱
狀聞萬安大喜以宗巡撫雲南弘治初宗斥罷然自
是木邦猛密世世相讐殺矣

馬性魯溧陽人嘉靖間為尋甸府知府政苛墨失民
夷心土酋安銓故土知府安氏之裔也設流以來降
在隸伍然夷猶奉為主人性魯以他事繫之獄中其
妻饋食又執而裸撻之諸夷憤激思變銓乘之難遂
發

陳典祁陽人武定知府初至聞大頭鄭舉富于貲財
檄下收之以應臺察之廉訪舉以兼金置魚中饋而

馬免未幾復收之復饋焉如是者再四舉惡其無厭
潛結阿克為反計即吏某以它事至其家見鎗弩既
冒盈樓密告于典典謂么麼無足慮竟不設防是後
有告者輒撻之故難發于一旦遂不斬救
白明通臨桂人武定推官方阿克陷府城時即大守
以公事他出獨通在賊執之數日服氈毳與數人至
省永見鎮巡鎮巡疑不令入城兼懼而見之言賊意
在求撫俄而賊大至遂焚掠脅印去